

卷一
卷二
卷三
卷四
卷五
卷六

子
既
而
從
諸

弱
冠
共





藁以雜名非純



也余自弱冠共

子職既而從諸

公模歷中外泓

穎不靈終其身

吏俗中間隨事

以疇應托意於

模寫自少而壯

壯而老矢闕剡

藤者多矣其棄
而將罔蒙藥褚不
復可記憶篋中

斷語零落本無

足采年來夏患
摧折思致愈不

遠前一日與書

塾親友偶閱舊

作一二有勸以

刊諸梓示兒曹

者姑俾芟次之

杜園綴緝淺近

卑陋終不及君

房語譬諸山肴

野蕪聊爾雜陳

倘俎諸五侯之

鯖當饕然一笑

淳祐壬子夏五


旦日可齋書于

荊州杞梓堂

曾伯



可齋



士君子生斯世
功業文章其本
雖一而不能兩
全者天也

本朝功業之盛
莫如韓范忠獻
春兩桔槔之篇
膾炙人口至辨
論新法一疏精
於經術諸儒有
所不逮而上之
人以出於強至

疑之矣文正岳
陽樓記精切高
古而歐公猶不
以文章許之然
要皆磊磊落落
確實典重鑿鑿
乎如五穀之療
飢與世之締章

繪句不根事實
者不可同年而
語也

可齋李公早以功

業自許而詩文

操筆立就精妙

帖妥復出時流

余曩與朝夕每

歎其得於天者
厚一別將二紀
而公功業赫奕
於時一日貽書
以其在荆襄著
述二編見示且
曰蠹魚活計我
尚願留情焉余

熟觀而歎曰功
業文章難兩全
久矣而公之志
欲兼之顧今邊

事孔棘公臣一

身橫當荆蜀之
衝屹然如長城
萬里

上之倚公不膏
韓范豈當復與
書生文士校短
長於繩尺間哉
諸葛孔明出師
一表前輩以為
與伊訓說命爭
光才德之盛固

有不期然而然者此余所期公於異日者也余既以此意復于公仍書以遺湖北倉君使劉和甫甄俾刊之編首益相勉厲以盡

朋友之義云寶

祐二年龍集甲

寅閏月上漸翰

林學士中大夫

知制誥兼秘書

監兼修國史實

錄院修撰兼侍

讀尤煇序

先公少保觀文可齋雜續

三藁 拘侍官荆渚時竊伏

會粹而錄之梓繼而庾使介

軒劉公 甄又刻之武陵端明

木石先生尤公 煇序于篇首

二刻之行乎世也久矣昔我先公羽忠翼明簡知

當宸入儀著佐出更榦方于

淮于荆于蜀于湘于嶺于鄞海

嘉謨勝略指陳乎奏靡不援

據古誼鋪繹事情炳然如丹

其勲在

王室書在國史至於春頌賦

詠游戲排偶足跡所至篇帙

隨積其間代庭闡參幙畫

掾都曹凡廟堂闕府諸所製
作多出

公手見者歎服曰冠冕佩玉之
文也

先公少勵舉子業薦於漕者

三晚賜奉常第殆天者酬之而

先公慙如心不得奮自場屋為
恨生平為文初若不經意或
時掀髯散步俄頃抽思泉湧
口授筆吏有脫腕若五六年

間所作何限散逸亦不少矣
歲戊辰

先公棄諸孤親遺草而有思
儼慈顏其如對人所傳者
手澤存焉貌是不肖大懼弗

能讀以閱于

前文人先嘗欲手抄小帙未果
會書市求為中筭本以便致

遠物曰是區々之心也亟命吏
楷書以授之棗刻告成用識

于後咸淳庚午仲冬嗣男杓
百拜謹書

可齋雜藁目錄

第一卷

表

覃懷李曾伯長孺

代蜀總賀 皇帝登極

代賀 皇太后

代賀郊祀慶成

代賀 皇太后

代賀紹定改元

代賀 皇太后

代賀壽慶節

代荆閩賀天基聖節

代賀 皇帝御正殿

代賀誕 皇子

代襄閩賀誕 皇子

代賀 皇太后

江東漕賀誕 皇子

淮西憲賀天基聖節

廣西漕賀天基聖節

廣西漕賀正

荆閩賀收復襄樊

荆閩進 僖祖謚寶

第二卷

表

代蜀總謝到任

代謝 皇太后

代謝郊祀肆赦

代謝 皇太后

代謝明堂肆赦

代荆閩謝加煥章閣因任

代謝 皇太后

淮西憲謝到任

淮西總謝到任

江東漕謝 詔書建督府宣諭
淮閩謝 宸翰獎諭 癸卯寇退
淮閩謝 宸翰獎諭 甲辰解壽圍
淮閩謝 詔書獎諭 同諸將帥
謝臣寮上言降一官
謝再降官

第三卷

表

謝廣西經略使到任

謝兼廣西漕

謝京湖制置使到任

謝兼湖廣總領并京湖屯田使

謝轉正議大夫 平黎寇賞

謝除寶文閣學士京湖制置大使

謝除龍圖閣學士依舊職

謝轉正奉大夫 和糴賞

謝男杓除耜田令兼制機

淮西憲謝賜曆日

淮閩謝賜曆日

桂閩謝賜曆日

桂漕謝賜曆日

荆閩謝賜曆日 辛亥

荆閩謝賜曆日 壬子

江東漕謝彗星降赦

荆閩謝宣賜夏藥 庚戌

荆閩謝宣賜臘藥 庚戌

荆閩謝宣賜夏藥 辛亥

赴荆閩謝宣賜金器纈羅香茶

謝特賜香茶縷金花

謝特賜銀絹

謝宣賜香茶

謝宣賜臘藥 辛亥

第四卷

啓

代蜀總賀史丞相拜太師魏國公

代蜀總賀興元丁帥除利路安撫副使

代荆閩賀沿江趙制置除煥學

代京西漕賀沿江趙制置平寇

代京西漕賀淮東趙安撫平寇轉官陞職

代京西漕賀淮東趙提刑平寇進職

代荆閩賀交代趙侍郎除京湖制置

代荆閩賀趙都承除京湖制副兼京西漕

代京西漕賀趙都承除京湖制副兼京西漕

代京西漕賀全大監除京西提舉兼制參

代蜀總賀桂侍郎除四川制置

代襄閩賀黃漕赴召除鄉帥成都

代賀四川桂制置除煥學

代京西漕賀湖北趙漕

代賀京西朱憲除閣職

代京西漕賀李工書

代京西漕賀錢祕監兼侍講

代京西漕賀趙侍御除大諫

代京西漕賀何宗博除正言

代京西漕賀陳少監兼殿講

代賀陳洋州

第五卷

啓

賀太傅鄭右相

賀鄭左相除太師魏國公

賀鄭丞相克復襄樊

賀別參政

賀王參政

賀吳僉書

賀王僉書

賀應同知

賀史同知

賀應同知兼參政

賀吏部趙尚書

賀禮部徐尚書

賀董侍郎權給事

賀陳中書

賀吏部倪侍郎

賀吏部袁侍郎

賀刑部趙侍郎

賀陸常鄉兼修注

賀饒左司

賀右司汪祕丞

賀陳都承

賀陳檢詳除戎少監

賀盛編修

賀桂侍郎除四川制置

賀湖北岳漕除帥

賀別安撫再任

賀別留守除兵書兼淮西制置

賀趙京尹升大資

賀浙西憲兼嘉興兼提領田事趙寶謨

賀廣西豐憲

賀鄭少卿知嘉興府

第六卷

啓

代蜀總通四川崔制置

代通興元丁帥

代通瀘南楊帥

代通瀘南曹帥

代京西漕通四川桂制置

代通四川桂制置

代蜀總通夔路王漕

代通李達州

通京湖陳制置

通江陵別帥

通淮西尤帥漕

通淮西楊制帥

通淮西沿江史制置

通江陵別制帥

通沿江別制帥

通京湖賈制帥

通成都黃都大

通湖北許憲

通淮西羅倉

通廣西豐憲

通金州徐守

通史制參監丞

通江陵楊倅

通金州晁倅

通湖北章帥機

通京湖闕制幹

通江陵陳僉判

通江陵張教授

通激賞庫方撫屬

代蜀總通交代蔡郎中

通廣西經略交代董侍郎

通京湖制置交代賈尚書

第七卷

啓

代上史丞相

代上史丞相

代上鄭制置

代上鄭制置

代上鄭制置

代上鄭制置

代上別帥

代上尤帥

代上項總領

代上趙利漕

代上趙夔漕

上鄭丞相

上四川鄭制帥

上四川桂制帥

上京湖陳制帥

上江陵別帥

上夔門李帥

上利路胡漕

上徐漕

上徐漕

第八卷

啓

代除蜀總謝丞相

代蜀總謝樞密

代蜀總謝制置

代蜀總升太府少卿謝丞相

代謝政府

代蜀總得祠謝丞相

代謝政府

代轉朝奉大夫謝丞相

代荆帥進職升副謝丞相

代謝制垣

代荆帥兩考謝丞相

代京西漕轉中奉大夫謝制帥

代京西漕謝蜀帥

代京西漕還臺謝荆帥

代襄閩得御書謝京西憲

代帳幹謝淮西帥漕

第九卷

啓

蜀總內機謝丞相

謝漕使

辟制幹謝蜀閩

辟襄陽宰謝制帥

謝總領

謝荆帥

就改謝襄閩

准西帥機謝丞相

除監簿倅鄂謝淮西制帥

知岳州謝丞相

謝臺諫

兵郎江東漕兼督參謝平章

謝督相
淮西總領謝平章
謝督相

第十卷

啓

除廣西帥謝丞相

謝參政

謝侍從

謝給舍都司

謝尚書

除京湖制置謝宰執

謝侍從

兼湖廣總領屯田使謝宰執

陞徽猷閣謝宰執

荆闈一年謝宰執

轉正議大夫謝宰執

除寶文閣學士制置大使謝宰執

除龍圖閣學士謝宰執

第十一卷

啓

代漕幕謝丞相得外臺薦

代謝制帥合薦

代謝京西漕合薦

代漕倅謝制使列薦

代謝制帥舉狀

謝金州徐帥舉閔陞

謝制帥舉閔陞

謝制帥舉改官照牒

謝制帥舉改官

謝夔帥舉改官

謝四川都大薦辟

謝制帥特薦

謝京西漕舉政績

謝唐經略特薦

謝制帥舉著述科

謝興元帥舉文章科

謝給事李尚書舉智謀科

謝總領舉智謀科

謝夔憲舉練達科

謝史尚書應詔舉兵機科

謝吳侍郎舉監司科

謝潼漕請舉

謝京西漕請舉

啓

代回安監丞袖啓

代回湖廣鄭總領

代襄闡回陳總領賀轉官

代襄闡回趙夔漕袖啓

回襄陽姜主簿自襄陽司戶兩易

回襄陽胡縣尉

回南漳李縣尉

回薛督機

回豐憲謝舉自代

回象州趙守謝辟

回荆門聶守袖啓

第十三卷

啓

回歐陽簿尉謝登科

回胡司法謝請舉

回侯簿尉謝請舉

回歐陽解元謝請舉

回唐解元謝請舉

回秦解元謝請舉

回秦解元謝請舉

回衆解元謝請舉

回蜀士趙解元謝請舉
回蕭解元謝請舉
回宗室謝取應
回宗室謝取應

第十四卷

啓

代回鄭制置賀生日
代回潼川秦守賀生日
代回黃漕賀生日
代回鄭制機賀生日
代回楊制幹賀生日

代回輔制屬賀生日
回蕭漕賀生日
回安觀使賀生日
回毛制參賀生日

第十五卷

奏申

代蜀總辭免新除狀
代襄閩辭免召命狀
辭免除軍器監丞兼淮西憲兼督參狀
再辭免狀
辭免除兵部郎官江東運判狀

辭免除左曹兼淮西總領狀

再辭免狀

三辭免狀

淮西總乞投閑狀

淮西總再乞投閑狀

淮西總辭免除右司狀

辭免除兵侍淮東制帥知揚州狀

再辭免狀

三辭免狀

辭免兼淮西制帥狀

再辭免狀

淮東制閫自劾狀

再申丐祠狀

乞免兼淮西制帥狀

再乞免兼狀

第十六卷

奏申

辭免除待制并賜金帶 奏

再辭免奏

三辭免 奏

四辭免 奏

五辭免 奏

淮閩乞祠奏

再乞祠奏

辭免除寶章閣直學士奏

再辭免奏

三辭免仍免兼淮西制置奏

四辭免奏

五辭免奏

辭免權兵部尚書奏

再辭免奏

三辭免奏

四辭免奏

五辭免奏

兩淮制使乞祠奏

再乞祠奏

三乞祠奏

乞給假尋醫奏

乞罷黜奏

辭免除煥章閣學士奏

辭免除刑部尚書奏

再辭免奏

三辭免奏

辭免除知靜江府兼廣西經略奏

再辭免奏

三辭免奏

辭免徽猷閣學士奏

再辭免奏

三辭免奏

辭免平黎轉官奏

辭免寶文閣京湖制置大使奏

再辭免奏

三辭免奏

四辭免奏

五辭免奏

六辭免奏

辭免龍圖閣學士奏

再辭免奏

三辭免奏

乞休致奏

再乞休致奏

第十七卷

奏申

除淮閩內引奏劄

第二劄

淮閩奉詔言邊事奏

淮閩薦代奏

特薦陳通判等二十員 奏

淳祐丙午正旦日蝕應 詔奏

謝 御筆令飭戰禦等事奏

謝 御筆戒諭兵將等事奏

乞區處修浚泗州西城 奏

奏壽城賞

帥廣條陳五事 奏

第十八卷

奏申

謝 宣諭將命往荆閩 奏

荆閩回 奏四事

手奏荆閩事宜

手奏回謝 御札戒諭荆閩事宜

回奏 宣諭經理

回奏經理事宜

出師經理襄樊 奏

第十九卷

奏申

奏以鄂州分司併歸節制

奏總所科降和糴利害

奏廢罷茶局科助

奏乞免今年和糴

奏湖南運司合支水脚

奏襄樊經久五事

備襄陽分司王制幹兵冊取鄧奏

第二十卷

奏申

回奏邊民習射指揮

回奏置游擊軍初方田指揮

申朝省乞以和糴轉官加贈先父

申密院照戎司兵額

淮閩辟夏臯知泗州鮑義依舊總管公劄

申朝省乞休致公劄

回丞相邊事公劄

第二十一卷

賦

聞鴈賦

巖桂賦

避暑賦

記

重建岳陽樓記

重建仲宣樓記

第二十二卷

樂語

天基節靜江祝聖

王母致語

對廳致語

代益昌憲運兩司宴制帥

代蜀總過沔宴制帥

代餞蜀閩赴召

代蜀總赴召宴制帥

代襄閩宴新除史制鄉

揚州宴交代丘總領

壽城凱還宴將帥

凱還又宴王宣使

桂林宴交代董侍郎

桂林宴提刑

桂林鹿鳴宴

荆閩宴交代賈尚書

荆閩宴呂馬帥

第二十三卷

疏語

代閩帥壽慶節功德疏

又

又

代閩帥 天基節功德疏

又

都司代宰執啓建 天基節

滿散 天基節

天基節功德疏

上梁文

淮東制府僉廳議堂

招諭北人通事榜文

序跋

跋郭靖父告

跋皇甫相士

跋商宣教携示先開國遺墨

題吳太師書軸

第二十四卷

青詞

代廬帥上元祈福

代合肥禳火

代合肥祈雨

都司代宰執禳蝗

代禳蝗意旨

都司代宰執祈晴

代祈晴意旨

都司代宰執祈雪

代祈雪意旨

母氏除祥

茅山為亡弟小祥

江東漕祈雨

禾石水府廟祈雨

新居修造畢酬願

壽圍祈雨

解壽圍謝感應

黃錄普薦陣亡

淮閩得祠歸里

荆閩辛亥保安春哨

荆閩辛亥保邊

武當修醮

壬子禳火醮

壬子保安春哨

第二十五卷

古風

丁亥紀蜀百韻

過涪州懷伊川涪翁兩先生

壽襄閩

壽襄閩滄浪行

過江陵答黃虛舟遣其子袖詩相訪

贈黃虛舟

和劉清叔襄陽隆中行

安慶道間艱食紀民言

微路道間賦草履

送淮西羅提舉

送安豐王守赴召

維揚和校獵行

和鄧季謙復法曹梅花之舊

清暉扁亭和韻

賦宜興莊菴蟠松

付小子治圃

丁未春過宜興先塋手植稚松一千四百五

株因睹鄰山巨松方此採伐感而有作

賦蘭花

憶海棠

阻風定花湖

次日風止舟行湖路百里遇順入雲川

歲除勉姪輩

戊申和嘉興守瑞麥行

已酉夏詠月巖

詠了頭巖

庚戌過浯溪讀中興碑

謁南嶽

詠衡嶽禹栢

跋曾玉堂訓子十詩

和士友傳勉之喜兩韻

詠荊州瑞蓮

第二十六卷

五言

曉行梧桐嶺

轎中假寐

過京山

入郢訪張學賓因觀舊句有感

登郢州白雪樓

登郢州四望亭

蜘蛛和韻

入蜀墊江道間 二首

用從軍古云樂為韻賀楊覺甫制幹

用談笑清油幙為韻賀吳叔永制機

題劔門寺和費伯矩韻

登閬州錦屏

登果州金泉山和韻

過忠州訪鄂都觀二首

過江陵和黃虛舟韻四首

襄州道間驟寒

和羅季能上巳習池送客

過樊城用劉清叔韻

登峴山用劉清叔韻

淮西幙自皂口入穎道間作

至穎州訪故老

離穎州道間

曉行穎上縣

八公山憶廉頗

淮肥憶幼度

黃州上巳和王子方雪堂韻

贈富春子

贈鄭通庵

送揚州胡倅赴堂石

贈李尉歸雲川

和清湘蔣省幹酒色財氣韻四首辛巳年作

小亭閑止

宣公祠又絕句

招里巷諸友和韻

諸友遲留待雪再用韻

已酉赴桂初宿會江驛和徐意一韻
過三衢道士鄭雲谷出示謝叔達詩因和韻
題醴泉驛二首

題二水光華驛

登獨秀臺和徐意一韻

出郊劭農口占

劭農歸遊白龍洞

春日領僚屬遊龍隱巖

自和

題千山觀

禁煙前一日招幕屬小集林提幹有詩和韻

桂林即事

又

霽後登水雲閣凭欄偶成

洞庭口占

重過岳陽

荆圃偶成

題花蟲五湖圖

又

又

題黎樵院詩軸

題林路鈴詩軸

和吳居父江陵雄楚樓韻

挽詞

甲申

寧廟挽詞二首

挽虞滄江提刑三首

挽龔致政二首

挽觀使鄭尚書三首

挽吳總幹二首

挽吳準齋二首

挽吳文昌母夫人二首

挽大資節使史國公三首

挽何司令二首
挽吳鶴林尚書三首
挽李樓山觀文三首
挽肇慶胡守二首
挽蜀帥趙侍郎二首

第二十七卷

七言絕句

池陽清泉舊名鮑公泉又名趙公泉真西山

易為清泉坦齋作記

舟過雲川二首

過鄰水道間

鄰水寺有竹數百竿中孤梅可愛

訪閬州讀書巖

題利州道上江月軒

和江陵關幹風雨問訊虛舟韻二首

和劉清叔襄陽草廬韻二首

和尤帥長贈鄭通庵韻二首

茅山玉晨觀和壁間韻

太府寺梅花盛開和曾玉堂韻二首

贈相士錢嬾溪

和傅山父紅梅韻二首

阮梅峯舉似題高沙郡圃醉醒亭絕句因繼

元韻并簡蕭史君三首

和王潛齋韻送聞人松庵二首

宜興山房十首

自和山房十詠

定花阻風五首

和傅山父小園十詠

和水竹梅燭韻二首

登桂林直樓和李帥柱間韻

送李琴士據梧六言二首

題馮司法水月書堂六言二首

第二十八卷

律詩

丙子登峴山

宿江州藥主寺

壬午昌化道間

過廬山

寧國道間喜晴

寧國道間即事

蜀江和周昞仲百文韻

和周昞仲過踏洞灘

題雙廟鎮峽樓

題孔明白帝二祠

連日過灘

昭君溪

益昌官舍簡昞仲

初夏即事簡昞仲

利州登棧道

侍親勞監遊雪峯

丙戌春過梓潼即事

宿柳池松風亭

丁亥沔陽春時即事簡吳叔永

題漢中墻冢觀高祖廟試劔石

道間懷益昌總所海棠

重陽登益昌錦屏山

和吳叔永見寄韻二首

送糟蟹遺制幕

和夔門開濟堂韻

宿新政縣登鮮于氏離堆拜顏魯公遺像公

曾赴蓬州作鮮于氏碑

至金泉登仙鶴樓

登江陵沙市楚樓

簡項仲宗遊亭臯

宜城道間

送清湘蔣尉二首

和闕幹雪中韻

再和

題荆門蒙泉

偕張總幹章帥機同游檀溪登極日和韻二首

從制垣觀閱和韻

同羅季能章成父張子直登樊城制勝樓

送羅季能赴江陵幕三首

勸分出伏龍因謁武侯廟

和劉清叔檀溪韻

壬辰過鄂渚簡張子直總幹二首

甲午淮幙和蕭應父贈鄭允蹈韻二首

和蕭應父贈黃子芸韻

和蔣志父春風亭韻

再和

次蔣志父韻

甲午七夕在京和朱子水韻

甲午中秋在魏塘值風雨

乙未渡淮點軍登壽春南樓

己亥題茅山王晨觀

庚子禱雨蔣山贈月老

送趙鼎臣赴召二首

和別制垣金陵勸駕韻

贈聞人松庵

第二十九卷

律詩

辛丑都司公辭與陳景清諸友小集作

再和

送郭靖父還金陵二首

贈林相士

惟揚再贈林相士用前韻

癸卯制參黎用之為八仙領客和韻

夜分和鄭小山韻二首

贈相士陳林過金陵

甲辰送淮東黎漕趨朝二首

送胡季轍制參赴堂召二首

傅山父携示曾玉堂和余韻答之

右司周昞仲亦用韻併和以謝之

送制機豐德馨赴堂召二首

壽城圍解制參向君玉貺以凱歌和韻二首

久雨之餘隔窻聞雪簡書院諸丈二首

乙巳題制參蕭應父襲芳亭

送翟簡卿制參赴南安二首

送周昞仲大卿歸江西

和傅山父喜雨韻二首

和幙府稅巽父平陳任二諫議韻

東西正陽獻捷和傅山父凱歌韻

食河豚鱸魚席間口占

丙午九日將過陽羨偶成

遊張公祠二首

山中即事

送八憲叔歸

丙午冬徐衍道見訪於可齋

尤木石薦術士松庵求書以詩送之

丁未效八憲叔賦黃郎

因賦風箏與黃郎偶

送焦吏部造朝二首

偶得希真岩壑舊隱正在小圃因賦

又賦

八牖叔用前修字韻相寄時留村舍和以謝之

又和八牖叔見寄

戊申春偶成

賦家山夕秀

又和

和褚縣丞韻二首

已酉慶周子將壽八十

和褚縣丞韻

已酉赴桂過撫州樟原得雨

憶幼子

題衡山縣驛

和鄧巽坡韻

題衡陽臨湘驛

過愚溪

過清湘洮陽驛和方字若韻

禮湘山佛和別駕叔韻

第三十卷

律詩

送交代董矩堂赴召三首

和鄧巽坡詠菊併見寄韻三首

登道遥樓和方字若韻

登湘南樓和方字若韻

登西樓題柱

已酉八桂勸駕

庚戌題雪觀用方字若韻

和鄧巽坡見寄元夕韻

又和梅韻

寧壽寺劬農登慈氏閣和李誠之柱間韻

瓊筦頌守示和愚溪詩用韻餞之

題越觀和方字若韻

禁煙日登嵯峨閣和方字若韻

庚戌赴荆閩舟過湘江

和總幙劉景文題杜立齋遺翰詩韻

辛亥元夕坐間和劉景文韻

又和

書院諸客登仲宣樓以詩寄之

送書記雷宜叔造朝

曾總幹以乃尊侍郎二詩見示和韻

陳次賈歸以二詩言別和韻送之

壽利州趙漕二首

壽遂寧李漕三首

壽蜀帥三首

壽應茶馬三首

壽陳制垣三首

代為其親壽二首

壽岳漕二首

江陵和費察推九藥瑞蓮韻

壬子夏偶成

壬子江陵寄聞人松庵

秋霖喜霽適觀廟堂醜唱因用韻

第三十一卷

詞

水龍吟 甲申潼川翫月

又 甲午壽尤制使

又 己亥壽史督相

又 庚子壽史丞相

又 壽游參政

又 丁未約諸叔父既月期而不至時適有臺論

又 和韻

又 和韻

又 戊申壽八憲叔

又 己酉壽廣西豐憲

又 和豐憲題林路鈴梅軸韻

又辛亥和吳制參賦雪韻
又乘雪登仲宣樓和前韻
又席間諸公有賦再和

醉蓬萊

丁酉春題江州琵琶亭時自兵間還

又戊子為親庭壽時方出蜀

又乙酉壽蜀帥

又丁亥壽蜀帥

又代壽昌州守叔祖

又壽別制垣

又丙午壽八憲叔

又庚戌壽章倉

六州歌頭和陳次賈韻餞其行

摸魚兒和陳次賈仲宣樓韻

八聲甘州庚戌重九約諸友登龍山阻雨

又庚戌壽鄭丞相

第三十二卷

詞

沁園春丁酉春陪制垣齊安郡園曲水之集

又庚寅為親庭壽

又代為親庭壽

又代壽直院陳文昌

又乙未代壽尤制帥

又壬寅餞余宣諭入蜀

又庚子登鳳凰臺和壁間韻

又再和

又和廣文叔有季秋既望之約不及赴

又自和即事

又再和

又甲辰餞尤木石赴九江帥

又甲辰壽王總侍

又餞鄧季謙赴班

又餞稅巽父

又丙午登多景樓和吳履齋韻

又丙午和淮安朱贊府韻以同在
丙午壽常丞叔

又庚戌初度自賦

又月夜自和

又中秋約僚佐觀擊圓登懷遠用前韻

又以雨不克登樓用韻

又餞總幹陳公儲

第三十三卷

詞

水調歌頭甲申春利州漕詣既月

又再和

又丙戌壽蜀閩

又代壽昌州守叔祖

又丁亥重九登益昌二郎廟樓

又丁亥送方子南出蜀

又乙未沿檄過穎壽

又和吳鶴林舍人送揚帥韻

又庚子壽制閩別尚書

又庚子送周炳仲赴江東幕

又辛丑送胡子安赴遠安

又甲辰中秋和傅山父韻

又幕府有和再用韻

又再和

又送制參向君玉歸里

又乙巳九月壽城獲捷和傅山父凱歌韻

又幕府有和再用韻

又戊申和八憲叔為壽韻

又再和

又招八憲叔托疾再和

又戊申送厲守赴濡須漕

又己酉宿樟原驛得雨

又題臨江驛和徐意一韻

又庚戌壽靜齋叔

第三十四卷

詞

又辛亥中秋和陳次賈用坡仙韻

滿江紅 丁丑登均州武當山

又甲申春侍親來利州道間

又甲申壽蜀閩

又甲午宜興賦僧舍墨梅

又丁未初度自賦

又八牕叔和再用韻

又再和

又再和

賀新郎 甲申代親庭送崔菊坡出蜀

又已丑為親庭壽

又庚戌和薛制參賦雪韻

又再和

又辛亥初度自賦

念奴嬌 壬午徽州道間

又見鄭文昌于上相

又丙午和朱希真老來可喜韻

又己酉振鷺驛和黃茶坡韻

滿庭芳 丙午登多景樓和王德侍韻

又丙午宜興山間

瑞鶴仙 戊申初度自韻

喜遷鶯 既月未中秋同諸北客

聲聲慢 賦紅梅

又和韻賦江梅

青玉案 癸未道間

又丁未壽八牕叔

好事近 甲申春益昌作

柳梢青 丙戌送陳仁父赴班

虞美人 己亥春卧病于池州天慶觀

減字木蘭花 丙午和朱希真韻

又再和

西江月 宜興山間即事

又再和

唐多令 庚戌六月赴荆閩宿江亭

點絳脣 辛亥餞陳次賈歸

摸魚兒 送竇制幹赴漕趁班

又壬子初度

朝中措 送管順甫赴漕

齊天樂 壬子和陳次賈為壽韻

八聲甘州 壬子餞帥機沈好問

又壬子九日約諸僕客游龍山


又自和

滿庭芳 壬子謝呂馬帥送蟹

可齋雜藁目錄卷終

嗣男 杓 編次

可齋雜藁卷之一
表



代蜀總賀 皇帝登極

鴻圖有永生上哲以應時龍德更新握休符而御極
華夷悅服宗社安榮竊惟以命舜而命禹者由曆數
之歸不之益而之啓者以謳歌之屬莫匪天人之與
乃臻名位之傳恭惟 皇帝陛下緝熙光明聖神文
武震雷未作休聞已彰離日初升仁聲遠播克承祖
烈祇奉母儀豈惟開平治之期將見廣規恢之業臣
身逢盛際職守遐方作之君作之師益綿統系莫非
臣莫非土倍切懽愉

代賀 皇太后

王謨烈啓後人罔輕付託帝孝慈奉太后式顯尊榮
天扶宗社之傳風動臣民之仰恭惟 皇太后陛下
今儀恭肅柔德含洪母道增光詒孫謀而翼子聖躬
膺曆為天下以得人思齊遠繼於大任得位並隆於
大舜益躋盛美克壯皇圖臣濫綴外臺恭逢華旦身
居劔拔愧抃蹈之無從目睇觚稜惟傾瞻之深切

代賀郊祀慶成

九重肇祀黃宮推迎日之長五時用成蒼璧重禮天
之敬神人胥悅夷夏齊觀恭惟 皇帝陛下順慶垂
基體元立極湯有一德為皇天眷命之符禹立三年

正百姓遂仁之日爰躬紺幄載見紫壇精忱寓藁稽
之間和氣溢豆籩之際宥民沛澤御丹鳳之端闡尊
祖告功肅翠壑於清廟乾坤寧晏宗社靈長臣繆董
賦輿濫兼郡鑰駿奔百執莫遑祇事於園丘鼇抃一
心惟贊受釐於宣室

代賀 皇太后

報本南郊謹小心而鄉食帝告功東闕新大典之承親
慶協神人懽騰海宇恭惟 皇太后陛下離明麗正
坤德靜專位處時龍視舜邦於弊筮謀詒翼燕錫禹
命以元圭屬泰時之歲儀宜慈闈之歸美一時雖肅
永傳任妣之徽音千歲治安遠邁商周之丕祚臣吹

竿粟輓越俎竹符思助祭於臣工葵傾萬里受介福
於王母栢悅一心

代賀紹定改元

歲事國陽甫畢祠官之典更端歲統載新太史之編
慶格天人懽騰海宇恭惟 皇帝陛下膺圖出震體
道乘乾審已察文允協舜璣之政卜年過曆益綿周
鼎之休屬紫時之肇裡命清臺而定歲謂紹興洪烈
當昭祖武之繩而嘉定成規盍繼孫謀之翼用重光
於鳳紀斯永保於龜圖 臣給竈戎徽代庖符竹荷美
名都顯號欣逢正始之初揚偉績鋪宏休莫究無前
之盛

代賀 皇太后

五時歲儀天子展事親之孝一元謹始日官新紀歲
之文凡屬華夷欣同正朔恭惟 皇太后陛下二南
王化四海母儀適駿有聲克贊武王之聖德肅雖在
廟端由大如之徵音屬皇邸之肇裡命清臺而更曆
繩其祖武仰循紹興英主之規詒厥孫謀上接嘉定
真人之統更新顯號昭示明時臣繆總兵儲濫兼郡
守一宣漢指蜀父老以俱知三祝華封堯君民之共
壽

代賀壽慶節

日舒南陸麗天占離位之重星拱東朝彌月闡坤珍

之瑞慈闈先啓寰宇歡騰恭惟 皇太后陛下賢邁
虞嬪行齊周如遵燕謀而啓佑翊駿命以照臨子育
羣生上體高穹之眷母儀四海中存太極之神繼元
祐之德音舉長寧之彞典茂膺純嘏益衍丕基華封
祝聖人共喜堯民之擊壤 皇帝奉太后未誇唐殿
之稱觴 臣身繫賦輿心馳象闕薰風入五絃之奏欣
際阜財嵩岳傳萬歲之呼永祈介壽

代荆閩賀天基聖節

舜璿始序王正開泰象之三禹紐發祥君位應乾龍
之五人欣熙旦世衍丕圖恭惟 皇帝陛下剛健日
新聰明時憲隆漢基於億載新文政於七年禮備東

朝問寢樂龍樓之曉衣垂南面授民頌鳳曆之春對
太皞之執規慶孟陬之揆序惟天佑于一德有永歷
年夢帝與我九齡無疆嗣服臣護風于楚向日猶葵
再拜稱觴阻預嵩岳三呼之列中興作頌願廣江漢
萬壽之詩

代賀 皇帝御正殿

聖德無加於孝已臨純吉之期王位前正於朝端履
太昕之御宸居高拱寰宇聳瞻恭惟 皇帝陛下克
長克君盡倫盡制雞鳴寢門之間悵慈極之浸遙寫
噦庭燎之光略彞儀而未舉暨易織而紀旦斯負宸
以答陽丕顯離明式符乾健 臣縻身邊闔矯首闕庭

聽長樂之鼓鍾阻陪星拱息甘泉之烽燧願護風寒

代賀誕皇子

珠躔聯彩楓宸陳亞歲之儀瓊幹叢休蘭殿毓皇支
之瑞慶流廟社歡浹宮闈臣聞兩明作離重暈啓日
升之象一索得震初陽應雷復之時肇國本以無疆
知天心之有屬恭惟 皇帝陛下仁均動植孝格神
明繼統守文仰奉燕謀之翼垂基順慶丕承駿命之
隆茲洪圖綿積累之基果朱芾發嶷岐之秀祉流甲
觀允開振、蟄、之祥壽舉未央益遂怡、愉、之
樂臣迹縻荆渚心切華封子孫千億宜君宜王復見
假樂太平之雅皇帝萬年為父為母願慶元和聖德

之詩

代襄闈賀誕皇子

離兩明而麗正如日之升震一索而得男與雷偕復
義符七鬯喜浹宮闈恭惟 皇帝陛下孝格際蟠仁
霑動植人心天命有開適駿之聲宗德祖功方懋延
鴻之業曦馭茲臨於昴宿星輝宜動於尾躔雅播周
邦本支肇文王之百賦陳漢殿春秋小武帝之三基
祚瓜絲華夷栢悅臣誤叨重寄欣遇昌辰奉太后怡
怡愉、遙想龍顏之喜宜爾孫繩繩蟄、願慶螽羽
之詩

代賀皇太后

尊推文母久詠思齊瑞啓湯孫有開長發慶闋九廟
喜對一陽恭惟 皇太后陛下道極希夷神游冲淡
蟬蛸高蹈舜心猶棄舜之輕燕翼親詒堯治拱垂衣
之盛茲黃屋遂怡愉之樂宜綠車啓岐嶷之祥世嫡
承家奚遜甲觀畫堂之瑞嵩呼稱壽益增未央前殿
之歡臣迹阻楚封心馳魏闕絲、詠頌永延蒼錄之
基采、歌采復見闕雅之化

江東漕賀誕 皇子

離重明而繼照式對恢台震一索而得男篤生岐嶷
福綿九廟喜動六宮仰惟二祖開基千齡垂統載考
流虹之旦實皆紀亥之年謨烈之啓後人於昭丕社

元良以正萬國聿應昌期恭惟 皇帝陛下何寵駿
厖詒謀燕翼祖功宗德傳天下以為家帝命人心屬
吾君之有子吉占熊夢慶衍龜圖臣摩迹周原傾心
漢闕星輝海潤有開社稷之靈長華祝嵩呼但與臣
民而鼓舞

淮西憲賀天基聖節

龍躔啓序泰文開義畫之三虹渚紀辰乾位應箕疇
之五華封載祝薄海同詞恭惟 皇帝陛下輝光日
新勇智天錫守文繼統承祖宗熙洽之基申命用休
衍社稷和平之福綿延國筭赫奕治功臣將指兵間
馳心闕下淮壖息警幸迎一氣之春回嵩岳齊呼驩

聽三軍之雷動

廣西漕賀天基聖節

月臨大蔟慶逢行夏之時天啓皇圖瑞紀生商之旦
清寧叶順率普祇歡恭惟 皇帝陛下學進光明道
臻悠久嗣億萬斯年之歷服休命用申當二十七載
之登平成功高拱乾剛不息坤載無疆臣兼節南州
馳心北闕凡海隅之出日孰不葵傾與天下以為春
同然椿祝

廣西漕賀正

虬漏平明布太乙東皇之令龍墀嘉會正九重南面
之朝恭道亨通乾端呈露恭惟 皇帝陛下如天之

覆何地非春輔相財成獨運兩儀之化哲謀肅又允
諧庶證之和斗杓載轉於蒼祇日轂永行於黃道臣
猥司藩閫兼領賦輿籍貢三朝敢嘆山川之遠璽傳
萬里願令正朔之同

荆閩賀收復襄樊

圖披南雍本吾國之封疆漸出中宸復舊時之城郭
聲揚師旅喜溢乾坤眷惟京右之區古稱天下之脊
每念蚡冒山林之如昔不虞駒支荆棘之至茲一陷
腥羶幾更表葛固有撫故碑而涕者詎容以墮甑而
視之宜我聖明布昭神武命相臣而指授飭將士以
前驅皇威一伸舊物斯得臣謬膺閫寄幸奉廟謨撫

南北離合之機豈不揆時而量力當公私疲弊之際
敢云抗表以出師顧分義有所當為而事會或恐易
失僅為身慮則負國恩端策拂龜賴一二臣之允協
銜枚擁騎越六七日以先登一麾而挹山南之流風
再鼓而洗羊祜之餘恨平明整旆重廣營將之吟落
日揚鞭猶記里人之賦豈臣愚之能效皆聖策之有
功茲蓋恭遇 皇帝陛下授任不疑好謀能斷念惟
天惟祖全付豈宜玷闕於金甌曰有邦有土在今皆
欲整齊於玉斧堅持定見爰底成功然始至未有百
日之糧而後爨方當千里之饋分財用平版榦非暫
費何以久寧礪鋒刃鍛戈矛必有備乃能無患豫謹

秋冬之計庶寬宵旰之憂觀趙鼎之奏謂必爭所防
敵釁餉岳飛之軍使無闕其法祖規

荆閩進 僖祖謚寶

駿命萬年啓璿源於涿郡龜書十字來珍貢於荊州
德應中天懽同下土竊以赤伏四七宜陽效祥紫蓋
東南江寧闡瑞觀史謀具嘉於往昔豈休罔虛出於
當今洪惟欽陵肇我炎祚謚定太常於建隆之始號
加六室於祥符之間鳳翥其章瑩矣溫純之質龍蟠
厥紐美哉追琢之二幾經劫火以不灰有待天河之
淨洗致遺黎之欣若望中國以來之想當修玉之時
幸懷 藝祖載稽遺寶之歲允協 寧王可占祖功

宗德之無窮抑見天意人心之有在茲蓋恭遇 皇
帝陛下丕承前烈弘濟中興宣重光而襲緝熙育羣
生而恢疆宇謂子孫必復其始趙璧將奉以全歸茲
帝王之興開先宋禮於茲而足證月星明概海宇肅
澄臣猥備閫謀幸陳廟獻離朱索而象罔得端猶黃
帝之珠后稷傳而天府司永作周家之寶

嗣男 杓 編次

可齋雜藁卷之一

可齋雜藁卷之二
表

代蜀總謝到任

萬里觀風方誤領梓東之憲六曹分屬乃令給劔北
之師力靡遂於回天身幾容於亡地竊以坤維之重
莫如井賦之難閔中之積久之於粟紅渭上之耕半
為之葦白矧從南渡尤倚西門及今百年之間不知
幾變于此井蛙內釁封豕外貪自開禧以來兵民財
三者以俱困凡紹興所置茶鹽酒一孔以不遺重以
漏卮極于涸轍二絲五穀農已剥林一馬十牛軍未
解甲月計不足歲入幾何士方犯魯以視之人必蕭

葛而可也伏念臣挈瓶智小窺管材疎邊鄙艱難翻
成蠹磨江湖流落久負鷗盟三年驚楚戶之霜萬里
訪蜀山之雪甫持滂轡俾會晏鞭僅能問米價於晉
人不過收戶籍於秦府賸理深疾正扁鵲之寒心血
指汗顏雖屠牛而束手中朝過聽外計驟頌炊沙作
糜終無竒畫推蘇後爨適有隱憂匱已告於大農問
徒勤於內史龍光厚甚蚊負凜然茲蓋恭遇 皇帝
陛下曆數傳堯謳歌之啓光紹延鴻之業克承詒燕
之謀遵修車備器之規方恢輿地念守邊積粟之議
尤重民天俯眷愚臣服勞先帝不以一介疆場之吏
付之四路兵賦之權謂臣以才以廉過加於褒譽戒

臣無病無餒使草於蠹源命播巽申恩隆乾覆臣敢
不勉彈綿力仰答明時癸巳于征庚戌告成願踵下
武繼文之績戊申奏上甲寅報可庶期孝宣興漢之
圖

代謝 皇太后

祥刑東劔曾微鞠草之勞護餉西門兼冒握蘭之寵
祇奉巽申之命悉歸坤極之恩惟蜀一隅去天萬里
自渡江已越於百載今宿師且及於七朞蚌鷓尚持
蜂蟻猶聚易一胡人之首不知幾縑費十耕牛之資
僅給匹馬問雖勤於內史匱屢告於大農民嘆白催
官虞赤立矧方添於詡竈正宜問於晏鞭伏念臣僅

有朴忠它無技巧雖皦々之心如日而種々之鬢已
霜州縣塵埃幾成俗吏邊疆機會徒有壯懷一麾叨
熊軾之華隻節問鶴林之役

五月穀二月絲嗟瘡痍之未復三
年艾七年病正媵理之是憂會計徒上於元和方略
莫陳於神爵誤頒宸綽遽總賦輿念蝸殼之涎久枯
而龜背之毛難刮張弓勢極覆轍憂深益蓋恭遇
皇太后陛下德贊乾元明彰離照王化思齊之大如
母儀長發之有娥求賢審官佐先朝之洪業理兵足
食垂後世之良規俯眷愚臣嘗膺隆委遂率由於帝
訓俾往給於軍儲自揣么微恐孤推擇臣敢不服勞

徵戎圖報楓宸九賦歛民當體麟趾閔睢之意三軍
作氣庶全魚麗鵝鶴之師

代謝郊祀肆赦

肅五時於漢壇用成熙事去三面於湯網誕布湛恩
歡動通遐德霑中外恭惟 皇帝陛下與天同覆如
日初升立極體元衍宗社靈長之慶垂基永命本帝
王欽恤之仁屬宣室之受釐即端門而享號鰥寡孤
獨誰非舉手加額之人動植飛潛不翅泆髓淪肌之
賜臣遠聞草偃喜切葵傾一代緝熙未遜詩書之盛
十行寬大咸欣詔令之觀

代謝 皇太后

泰時八觚禮畢紫煙之燎細書一札令頒湛露之恩
慶集慈宮歡騰寰宇恭惟 皇太后陛下道侔坤載
力贊乾綱有德克享天心屬新熙典介祉亦右文母
遂及嘉生虞庭當舞獸之餘漢網廣漏魚之惠聿遵
明訓誕布仁聲凡聞渙汗之敷咸仰解雷之作臣偶
兼使事祇播王言四海為家已均被蓂蕭之澤萬年
介福將益綿瓜瓞之基

代謝明堂肆赦

合宮雲鬢百靈賓柴燎之儀細札星流四海霈蓂蕭
之澤歡騰中外慶浹出明恭惟 皇帝陛下守位以
仁視民如已祈天永命悉遵累朝忠厚之規饗帝事

親爰舉一代緝熙之典茲受釐於紫幄廼肆青於絳
幡沙漠烏孫豈但聞風而棄過潢池赤子亦令與日
以自新臣遠在戎薇欣同偃草若時蜀道懽傳諭檄
之文願與堯民共覩畫冠之化

代荆閩謝加煥章閣因任

楚藩作牧曾無補於分毫堯閣陞班廼俾仍於方面
籲天莫避躋地知慙竊惟中興擾古之規邃在上界
藏書之府文章煥有與雲漢以昭回方策舉行即美
墻之親見祖述已然之龜鏡經營未一之服圖宜有
鴻儒克承龍渥某學非用世材不逮人一第奉常已
溢布韋之分十年幕府無裨樽俎之壽誤蒙旒冕之

深知猥備疆陞之煩使內聯省寺外玷節麾繼寓直
於禹謨獲承流於周翰力小任重猶蟲蠹而負山政
拙心勞甚精衛之填海矧當連年一水二旱之後不
勝吾民千瘡百孔之憂許寬歲時姑苟旦夕丹心報
主雖惟知國爾之謀白髮奉親未免動家焉之想敢
期新命俾領舊邦載陞奎宿之躔不易軫星之分僥
踰越望俯仰銜恩茲蓋伏遇 皇帝陛下剛健日新
聰明時憲雞鳴問寢昭慈孝於兩宮燕翼承休垂典
章於萬世延頤荆襄之形勢將恢建紹之規摹稽大
訓於寶書獨詳戎備貳洪名於玉帳庸示眷衷遂使
微臣亦叨異數臣敢不弗移故步益謹初心頴川一

公 歲之留雖有慙於子翼江漢萬年之祝願是似於召

代謝 皇太后

十連罔效敢期陟舜岳之明一札示留乃俾寓堯章
之直誕敷渙號絲出坤闈臣聞錫壤中邦重四方之
屏翰寶書大訓垂萬世之典謨苟惟乏已試之功何
以被維新之命臣一叨末第百不如人生長窮邊雖
功名早以自許奔走下隸謂分量不過若斯十年幕
府之棲遲再命麾輶之踰越省蘭位棘繼陞鴛鴦之
行營柳戍徽載董貌貅之旅第用班超平之策幸
臻陽城下之書然而早潦中更星霜六曆改以鷗

盟之清夢有闕烏哺之私情雲漢九天敢意晉圖書
之府風煙萬里仍令貳轅帳之權何所飭修有此際
值茲蓋恭遇 皇太后陛下心游太古道運無為繩
祖武於累朝示母儀於萬國詒謀燕翼業方啓於顯
承求賢審官志素存於輔佐將取中興之謨略大恢
外治之規模遂使愚臣亦叨聖渥臣敢不恪勤夙夕
圖報消塵竊比穎川雖愧神爵鳳凰之日願令江漢
益彰闕睢麟趾之風

淮西憲謝到任

充閫僚於江左莫贊中權司臬事於淮壖誤將上指
况俾晉丞於武庫復叨陪議於軍營祇命惟新撫躬

莫稱伏念臣地望俱下天分不高疆場半生險阻艱
難之備歷家門多難零丁孤苦之僅存每惟世受於
國恩靡憚身先於王事風霜久薄齒髮早凋比一札
之起家預十連之命佐了無末議可補前籌敢期升
蘭錡之班遽獲玷軺車之選且令列屬其贊視師聯
唐相之鏤文墨敢儕於韓愈持漢使之斧威名尤慊
於勝之屬方董虎旅之征罔敢狗鶴原之急戴天恩
厚躋地慚深茲蓋恭遇 皇帝陛下治舉修攘仁宣
欽恤當茲大刑甲兵之間正切顧憂寵以小雅禮樂
之華不輕臨遣爰疇咨於政路併共二於戎行臣敢
不肅奉條章勉殫規畫布之蜜貊俾知九重惻怛之

心于彼隄原誓竭一介驅馳之力

淮西總謝到任

乘傳東臺僅及轉江沱之漕升班左戶遽令峙天塹之糧請莫遂於再三職乃叨於共二感恩隆厚服命兢慚竊以江淮財賦之淵素推前代廟堂錢穀之問始自近年蓋由疆陞耗於蕩搖根本虧於朘削邊農廢業壽昌之斛糴弗行私鬻害公劉晏之監推亦壞楮幣輕而莫知措手米艘截而有類搯吭炊沙未易以作糜捧卮詎堪於沃釜有洛陽處士將哀痛以深憂非江左名賢豈清談之可辨如臣者蹟寒寡援分薄多艱齷齪泥塗何有濟時之略驅馳塞漠未殫報

主之忠自憂患之重心幾功名之絕念迭更使嚮猥玷即闡鼠河腹之已盈狐丘首而是望不圖恩綽驟畀賦輿惟前車之戒未遙而後爨之憂愈亟騰理深疾正扁鵲之寒心血指汗顏將屠牛之貽笑龍光渥甚蚤負凜然茲蓋恭遇 皇帝陛下綜核臣工修明軍實豐財和衆聿新外治之規模立政用人宏建中興之事業愛惜日力選拔時材知臣久在戎行險夷備歷謂臣曩承父訓調度粗知遂俾庸流亦叨煩使臣敢不勤勞充職精白承休諾首山庚癸之糧願竭懦衷而徑畫奏湟水寅申之冊敢祈淵聽之矜容

江東漕謝

詔書建督府宣諭

命丞相以董師肇新督鉞遣使臣而有禮例被詔綸
奉眷旨之丁寧撫懦衷而激烈維昔姬旦任東征之
責吉甫專北伐之權十夫圖功尚彤大誥之訓三事
就緒猶勤常武之詩蓋當疆場多壘之時必賴臣子
同舟之濟星馳一札風動四方恭惟 皇帝陛下廣
舜武文錫湯勇智始勤終逸全采薇天保之規模內
修外攘懋吉日車攻之事業憤裔夷之肆侮建征府
以宣威爰飭小大之臣各勉驅馳之力臣敢不仰祇
明命益竭愚忠聽山東之書士卒且思於共奮上淮
西之雅朝廷行慶於太平

淮閩謝 宸翰獎諭 癸卯寇退

戎役外攘僅道風寒之責恩言下逮過形雲漢之章
服命光榮拊躬激烈伏念臣庸習為吏未嘗知兵不
待人言懼忝祈父瓜牙之任適有天幸乃當季龍骨
肉之爭慮敵侮之仍窺奉宸謨而先發樓舡東下瀚
海颶回虓旅北征汴河響應猶鷓鴣張而突至倏鼠竄
以亟旋良由我勢之扼吭足使彼謀之掣肘秋聲早
寂少休鴻鴈之民晝捷屢馳端賴熊羆之士微臣何
力温詔遽褒茲蓋恭遇 皇帝陛下深略緯文有常
立武佑者順助者信開皇天欲治之期彼以暴我以
仁撫夷狄將衰之運操成功而不有揆眷藻以肆頒
然而中原之機會雖未萬里之戎情難測蚌鷁相持

固為吾利豺狼不噬其可謂仁母近狃於虜公願益
加於聖慮臣方圖解戍擬丐歸田平淮西紀蔡功所
願上韓愈之雅使河南皆晉土改須擇祖述之才

淮閩謝 宸翰獎諭 甲辰解壽園

聖策有功釋嚴圍於邊壘閩臣何力拜溫獎於宸奎
沐寵優隆拊躬危慄眷是州來之舊扼于淮浦之衝
謝元昔臨此以却肥水之堅紀瞻亦據此以走葛陂
之勒古今要地南北必爭自再隸於版圖嘗一新於
城邑蛇豕荐食旅復荒殘狐狸所嗥未遑經理比奉
廟謨而載葺正虞邊圉之肆窺孰云乘春水之未生
延至及南風而猶競橋中流而據險柵兩岸以分屯

鋒蝟斧蟻逞其羣醜釜魚幕燕凜若孤墉凡茲貽宵
旰之憂寧免受春秋之責臣才疎守鑰勇愧屬鞬雖
重門擊柝之粗周恐被髮纓冠之弗及不能以日所
恃者天幸而將一乃心籌不驚於夜唱士百其勇勞
靡憚於暑行舟師登岸以夾攻騎旅斫營而追勦草
薶禽獮既執訊之連鼠窟獸奔屹全城之額君
之訓也臣何功焉茲蓋恭遇 皇帝陛下密運神機
於昭聖武烽火連於三月雖脊筭之上勤干羽格於
七旬終戎心之自草操成功而不伐發明詔以肆頒
臣敢不仰體丁寧添加勉勵第三復必守之訓將大
為先具之防先陰無多事力有限必得勝兵之三萬

與夫積粟之一年則我庶幾鑄腳之安而彼豈敢靴
尖之侮上金城之略更須求充國之才動玉關之思
願俾遂班超之志

淮閩謝 詔書獎諭 同諸將帥

干城獻凱責粗道於封疆賜璽示褒恩遍覃於營壘
十行誕布群聽具孚竊以淮右之區壽陽為重內則
蔽遮於餉道外而遏截於敵衝當版築之甫周倏虜
圍之肆合所賴將士戮力戎醜畏威愬武古通分三
方而並進蘇宰李蔡罄十萬以齊呼雖始貽肝食之
憂而終奏書同之捷臣忝司戎律肅奉皇靈僅能卻
敵以全城不過因人而成事宸奎載錫華袞增榮茲

蓋恭遇 皇帝陛下聖武布昭神謨密運赫怒整旅
震萬里之天聲序情閔勞作三軍之風采微臣何力
溫獎聿頒臣敢不祇若訓詞廣宣德意如雷感動已
同士卒之懽未雨綢繆益謹藩籬之備

謝臣寮上言降一官

分閩積愆幸曲從於薄責杜門省已忽再致於煩言
非聖明赫若以鑒臨則么麼凜乎其危殆罰輕恩重
感極涕零竊惟公論廢置實繫乎朝綱私情是非則
關乎天理昔馬援以武陵之役梁松陷之終身王尊
以京兆之勞揚輔擠之非罪類皆據其宿憤曾弗念
於厚誣每思古人猶有餘恨臣不幸孤危之迹適墮

朋比之科閱二紀於官塗靡憚捐軀而報國徧三邊
之會府豈專阿意以從人僥踰尺寸以孔艱祇懼簡
書而敢犯凝旒過聽授鉞于征猶蟲蟲不足以負山
而蛇豕屢當於犯塞綢繆陰雨涉歷星霜奉廟筭之
有靈保邊封之無失豈謂東知之過厚致聞媚忌之
競生雖譴不可逃以牽連而及已然疾之太甚則媒
孽之有人

交情本無於他憾職業不能以苟同其於彼時
皇恤異日欲報怨之以直豈加罪之無辭然而意不
疑盜金則具存府藏之籍曰虞公求玉殆誤聞道路
之言邊報必以實謂欺則無利權歸之公謂貪其可

使用求果附益詎能當小子鳴鼓之攻以曾參為殺
人必欲啓慈母投杼之感嗾從風旨扇使謠言不思
張奐坐梁冀免官存皇甫交舊之薦乃訝僧孺付張
鷲代去從德裕私怨之傷罪狀如斯刑章曷道恕而
孰不可恕誅之幾弗勝誅賴淵聽之昭回賜宸奎之
處分免投四裔僅削一階當山嶽動搖草木無不摧
折俄雷霆威霽雨露轉而涵濡釋大戾於鼎鈇脫微
生於齏粉過涂擢髮德厚淪肌茲蓋恭遇 皇帝陛
下總攬摧綱作新政治揭日月之明而畢照恢乾坤
之量以兼容甄別忠邪雖衆惡而必察燭知幽隱憐
一介之無他力賜保全務行寬貸臣仰戴無私之造

猶虞不測之淵非容如地蓋如天焉保負荆而免咎
凡生之年死之日誓圖結草以酬恩

謝再降官

時奉御札李其連年守邊粗無它失若加竄斥何以勸後可與鑄一秩

榆邊夙謹賴聖造之兼容栢府新除復煩言之首及
凜人心其可畏幸天語之曲回薄責僅加隆恩深厚
竊以罰而當罪國憲難逃議匪狗私輿情斯服仰稽
前志遠想古人伐讎者弗及公敵怨者不在嗣誰毀
譽而行直道仲尼所以深思以睚眦而入黨人漢史
為之竊嘆孰謂紀綱之要地乃先芥蒂之小嫌伏念
臣父先臣某嘗任蜀憲方其去當時狼莠之害豈服
為後人荆棘之憂亦既歷時適相參會緣臣比共武

服上累宸旒匆遽初年突若敢彎弓之入周章末路
輕於不俟駕之行中因疾以丐歸嘗抗章而予告茲
人言不一謂臣罪凡三獨蒙黜哀之深知獲免藁街
之加戮丹書未洗白簡再騰寂然已冷之灰殆無影
響甚矣將枯之骨幾委炎荒正大聲無自以呼天而
五體甘為之投地幸乾坤清穆日月無不照臨雖雷
霆震驚雨露轉而潤澤遂逃深穿姑削微階昭回十
有六字之奎章萬世傳誦報復二十五年之宿憾一
旦開明保全孤立之危蹤銜戴再生之大賜銘恩浹
髓感涕交頤茲蓋恭遇 皇帝陛下德並兩儀先被
四表權輕重之宜而應變躬予奪之柄而馭臣建皇

極以布斯世之至公了無偏黨用人物必察平時之大節明示勸懲如臣此心惟帝所鑒不忍俾陷搢紳之禍以其嘗更介冑之勞悉略短長務全終始臣當夙宵省咎香火酬恩雖鳧鴈之在江湖寧有忘機之日儻犬馬未先溝壑無非結草之年

嗣男杓 編次

可齋雜藁卷之二

可齋雜藁卷之二
表

謝廣西經略使到任

三載黜幽甘投閑於東里再命作牧俾祇役於南邦循墻靡徇於懷辭入境具宣於德意俯慚忝竊仰戴生成睠桂海之奧區介蠻徭之絕徼昔稱樂土今視並邊既獸蹄之跡可通豈馬腹之鞭不及殆天之未陰雨貴及是時如人之護風寒何止數處况藩落賴烏孫之倚角而潢池易赤子之跳梁匪惟豺狼之不仁抑亦蜂蠆之有毒聿寬憂顧正費圖回我方踰度以制敵之淺深彼且圍視以覘吾之虛實情偽頗滋

於互市用度浸竭於牢盆民皆戴白而不知兵吏每
拱默以幸無事欲先自治宜屬重臣如臣者已試罔
功何能為役征鞍陳迹不堪憶於關山整緯寸心猶
未忘於畎畝自弗容於公議謂永棄於明時朽木垂
凋老將至矣鉛刀再割誰復使之賴皇恩曲賜之保
全然愚分詎希於拔拭倏頒新綍盡復舊禮祠庭甫
玷於親除藩服遽膺於申命東知至厚奔走奚辭爰
觸熱以問行茲飲水而就列念三邊形勢險阻固備
嘗之若五筦事情夢寐所不到此被寵光而榮甚願
齎負以凜然自揣踈庸若為稱塞茲蓋恭遇 皇帝
陛下明見萬里德照百官在知人在安民聿崇先務

不泄通不忘遠獨運宏謨將令八荒如在畿甸之間
弗以一肯而棄封疆之士致叨誤渥仍畀幹方臣敢
不激勵乃心恪恭厥職立銅柱以布威德敢希馬援
之功金金城而上便宜願倣營平之奏

謝魚廣西漕

導海以南曾未幾於作牧從天而下俾共二於將輸
揆微分之僥踰感隆恩之深厚伏念臣材疎弗穎器
小易盈起廢拜州賴主知之未棄扶衰度領願王事
以奚辭提封遠在於一方涖政甫更於三月暫令給
餽正愧代庖既各有於司存其敢云於近比略無報
上廼畀兼人眷西漕之攸分實外銓之所屬爰波出

素關百貨之贏虛輓粟腐紅繫三軍之調度專其任
猶虞於曠闕選諸衆盡付於英髦赫若龍光歛然螽
負茲蓋恭遇 皇帝陛下照臨若日溥博如天加惠
遠民視每門同於畿甸誕宣明指遣尤重於隄原遂叨
委寄之榮曲示通融之力臣敢不於斯二者謹乃一
心此蕭何寇恂佐漢之宏規豈臣敢企守馬援葛亮
撫蠻之舊地賴國之靈

謝京湖制置使到任

授鉞以南南服嚴關之役改轅而北且加邃閣之華
揆分踰涯感恩隕涕睠惟全楚中立並邊自春秋而
號經營用武之區歷魏晉而為馳騫爭衡之所拊英

雄之陳迹慨今古之殊時金湯千里雖若覆孟瓦礫
諸城幾如墮甑方將興耕築以植上流根本之計輯
蕃漢以繫中原豪傑之心匪得英材曷副妙東如臣
者迂踈淺識牢落孤蹤備更鞭弭之勞略無報效盡
釋簡書之累賴有鑒臨方廣一冬炎嶺之吟詎作六
月太原之想從天而下易地則然城郭重來猶記人
民之舊山河無異祗驚風景之殊矧當襄潦之非常
且值秋聲之已逼老馬雖粗知於故道鉛刀恐莫發
於新硎凡此生成若為稱塞茲蓋恭遇 皇帝陛下
躬持乾斷掌運坤輿惟天全付予有家將復祖宗之
業無日不申傲諸國疇咨文武之臣肆頌細札之丁

寧密示成規之經理謂其已試俾爾未宣臣敢不勉竭愚忠恪遵聖訓上策莫如自治謹當蔽護於風寒明主可為忠言願益綢繆於陰雨

謝兼湖廣總領并京湖屯田使

受任幹方一其可再護耕董餉二者得兼上恩昭示於通融小已深增於激烈伏念臣猥蒙拔擢洊玷著宣猶童子而舉烏獲之鈞方虞弗稱以庖人而越尸祝之俎是豈能勝敢期眷倚之有加不以庸愚而就昇既給癸庚之呼且修戊己之屯祇誦王言方媿處遜瑜之任載思使事三頃付蕭葛之流已試何功兼收並用恭惟 皇帝陛下獨持眷斷丕顯皇靈國家

刑政之明深懷牖戶錢穀甲兵之問每飭廟堂顧非共二之材亦被錫三之寵臣敢不勉殫驚技仰報鴻私將令奏湟水之勳未能朞月若曰課峴山之積願俟季年

謝轉正議大夫 平黎寇賞

潢池肆擾奉王略以格姦丹袞疏恩陟文階而示獎循墻莫避跼地奚勝伏念臣頃莅桂封適乘黎警動干戈於邦內伐以何為賣刀劍於海瀕安之而已姑遣師而揚武果納款以請降皇靈所加臣愚何及敢謂論功之次例膺增秩之褒奮漢將之樓船慚微顯績施隋官之門戟濫被新榮茲蓋恭遇 皇帝陛下

德奉三無明照九有恩威並用得龍蛇赤子之拊循
慶賞誕頒極犬馬老臣之勞徠雖其已去猶且弗遺
臣敢不精白承休厯洪載賜付卿南方事愧未清嶺
嶠之塵寬上北顧憂茲願罄封疆之責

謝除寶文閣學士京湖制置大使

睽錫壤之中邦僅還舊物司寶書之大訓俾荷美名
靡容累疏之控辭曷稱明綸之加獎凌兢祇命感戴
填膺伏念臣本乏技能誤當委寄轍環幾老悵朝華
之已披鼓至再哀懼暮氣之將惰由桂林之奉詔來
荆渚以于蕃惟祖宗全付子家自宇宙便有此峴畫
導玉斧缺補金甌朝廷惟度冰意同何嗟及矣公卿

豈營平議是孰與守之其敢望於階升暨所居之官
大夢寐九天之隔忽到濠清封圻十國之連增雄廣
永職仍共二恩厚函三茲蓋恭遇 皇帝陛下獨運
離明於昭乾斷罔回區宇幾同行酒而議太原慨想
人材何啻每飯不忘鉅鹿茲聖策有功而底定願愚
臣何力以叨榮臣敢不拜手承休鞠躬盡瘁固辭南
城郡得無愧羊祜之心願入西域關所異憫班超之
光

謝除龍圖閣學士依舊職

揆江漢之雅藩翰何功占河洛之符論思進職循墻
罔避連茹叨榮臣聞老博鎮秦如膺真授仲淹分陝

僅以直除豈惟彰儒者之華實以重邊臣之體如臣者素非清望猥荷殊知跡涉揚荆兩玷元戎之寄光依奎壁四聯學士之班正虞鼠技之五窮倏被龍文之三點從天而下誕頌溫潤之辭為日幾何再陟凝嚴之秩遭逢千一感戴萬斯茲蓋恭遇 皇帝陛下剛健體乾裁成用泰舉歲終羣吏之會爰飭周官當月正四岳之咨以新舜治致令塵瑣亦與階升臣敢不拜手揚休捐軀效報圖陳淠水僅遂畢於馳驅夢入瀛洲願許承於顧問

謝轉正奉大夫和乘賞

朝家廣塞下之儲未嘗靳賞計吏辦湟中之糴何足

言勞遽膺增秩之榮祇負踰涯之愧伏念臣猥分戎翰兼董賦輿問晉人之米價若何幸皆樂售給漢關之糧道有此粗免之供猶斗升之水僅蘇豈尺寸之地敢望奉寬一分之詔惟恐失之叨正三品之階斯為過矣綸言垂獎綿力增慙茲蓋恭遇 皇帝陛下明足食之大經先備邊之急務俾與民為市斷無穀貴賤之傷農凡爵人於朝必以功重輕而示賞遂令嵬瑣亦忝寵綏臣敢不刻骨銘恩糜軀誓報僅首山相呼自今飽於宿師恐鉅鹿不忘其上寬於旰食

謝男杓除藉田令兼制機

護師外閫慙微橫草之勞分命底僚猥及荷薪之子

耽鴉誤渥舐犢銜恩臣睽兵機當弗容間之時而屬
掾許不避親之舉必祁午可則祁奚進之勿疑非魏
戌能將魏舒置而靡用眇焉無似被此曷勝伏念臣
疲甚守邊男臣朽瘳未了事殆猶阿買僅堪使寫以
張軍敢謂添丁果遂充耘而為國既特徇幕府文書
之辟復令陪奉常弟子之負方載駘以車愧莫稱便
蕃之寵俾沐猴而冠不幾出假借之私茲蓋恭遇
皇帝陛下以父母心作民物主仁之至義之盡隨小
大以用人老者安少者懷與高厚而合德致令弱息
亦玷殊休臣敢不益謹教忠使知由禮驅之千畝必
能奉東作之勒瞻彼方城豈敢望西平之績弟相告

語誓竭報圖

淮西憲謝賜曆日

武監綴班誤玷皇華之節清臺頌序寵兼細札之書
歲月肇新吏民胥抃恭惟 皇帝陛下仁參化育道
妙財成格庶證以致和熙百二而凝績漢正誕布群
方同慕義之心周歷嗣承千歲衍垂基之慶誕修人
紀敬授民時臣恪掌刑章謹宣德意奉行詔旨載揚
春日之寬申儆邊防願備秋風之急

淮閩謝賜曆日

象闕放常誕布萬年之曆蠙淮率職恭承一札之書
凡在幅員舉同正朔恭惟 皇帝陛下體元御曆審

已察文躬一德以享心與天同運撫五辰而凝績如
日之新律布青陽軌循黃道臣敢不對揚休命敬授
人時三年有成愧乏守邊之効一日必葺誓殫報國
之忱

桂閩謝賜曆日

賜書北闕君臨用九之乾授曆南交民遇登三之泰
丕昭王度協用人時恭惟 皇帝陛下道妙範圍仁
參發育新日而又日益加行健之剛後天而若天克
謹履端之教璿璣順序玉燭致和臣敢不祇服蕃宣
奉行寬大仰占鶉尾相安禹貢之山川遠暨龍編同
稟漢家之正朔

桂漕謝賜曆日

歲應三登載紀清臺之曆文成一札聿頒方國之書
式謹邦條以前民用恭惟 皇帝陛下與天同運如
日方中審已察文翼小心而事上帝厲精為治建大
政以興太平律播青陽軌循黃道臣敢不對揚休命
敬授人時魚夢維豐願協金穰之應鯨波不動敢期
冰解之動

荆閩謝賜曆日 辛亥

江漢來自猥任周疆之舊岵夷賓日誕頒堯曆之新
四達成書一遵彛令恭惟 皇帝陛下體大行健受
命溥將四七際之珍符有開景運億萬年之寶祚丕

聞重光况側身銷燹之餘正恭已當陽之暇春回黃
道閨課清臺臣敢不欽授人時聿宣王度雲章昭若
威無咫尺之違日監在茲陰謹寸分之惜

荆閩謝賜曆日

壬子

紫塞護寒甫畢防冬之候清臺頒朔又逢行夏之時
四達乾文一遵常令恭惟 皇帝陛下法天不息嗣
歷無疆咨汝義敬授人時曰為改歲命家宰通制國
用何待來年未雨而先綢繆無日而不戒懼俾恭爾
事爰示此書臣敢不恪謹布宣深懲翫愒聽首山之
庚癸正急軍儲數湟水之寅申願承聖策

江東漕謝彗星降赦

乾文示戒軫眷慮於昕朝解澤除瑕賜寬書於方國
驩騰八表和召兩間恭惟 皇帝陛下濬哲文明嚴
恭寅畏在璣衡而齊政聿謹厥修菲飲食以卑官敢
淫于樂既廣開於言路尤勤恤於民生誕布湛恩潛
消咎證臣濫兼使指祇奉詔條貫索沉輝咸與洗心
而滌穢挽槍絕跡願觀轉異以為祥

荆閩謝宣賜夏藥

庚戌

六月飭戎猥玷中權之寄十行賜札遽蒙上藥之頒
假寵優隆拜嘉激烈伏念臣因功嘗試多病早衰五
嶺煙嵐正作痛瘡之賦七澤雲夢又為褫襪之行甫
躬錫壤之初榮賚寶奩之實珍良博濟疲恭頓蘇茲

蓋恭遇 皇帝陛下視民如傷躋俗於壽禹疇攸叙
證臻燠若之休舜治無為愠賴薰兮之解誕施嘉惠
俾衛微生臣敢不祇荷眷慈勉殫勞瘁講求民瘼庶
無咨暑之聲消弭客邪共罄惜陰之力

荆閩謝宣賜臘藥 庚戌

采薇守衛當北戶之寒時尚藥匪頒被內廷之溫旨
對揚隕越捧戴凌兢伏念臣質冷且孤品難共二水
淺土薄嗟一方之病未蘇歲晚風高正六尺之軀當
護敢期眷眷特軫支離珍劑實匪御折綿之候綠
綈賜重頓回挾纊之和晝錫光華夙疾蠲愈茲蓋恭
遇 皇帝陛下躋民仁壽保治平康理國猶身視羣

下癢痾而若切以恩撫士念三軍戰瘁以不忘肆覃
露湛之仁庸勉雪霏之役臣敢不服之無斃庶其有
瘳願卑凋年不敢體膚之愛力扶疆證庶消腠理之
憂

荆閩謝宣賜夏藥 辛亥

上游護閩值周雅之飭戎中禁疏綸按災經而分劑
恩淪弱質感激懦衷伏念臣役久曷侵政多痞悶視
南夢北雲之域人游困於產蠹當下潦上霧之時師
幾疲於汗馬敢期溫旨爰軫暑行錫之尚藥之珍良
藉以精餼之璀璨一沾施濟盡滌鬱煩茲蓋恭遇
皇帝陛下德並離明道同乾健生育長養以為事仁

哉天地之心痒痾疾痛若切身壽此邦家之脉肆放
嘉賚俾衛微生臣敢不竭力榦方夜懷報效銷民聲
之咨兩席其有瘳厲臣節之飲冰服之無斃

赴荆閩謝宣賜金器纈羅香茶

易地榦方猥任上流之寄自天錫寵肆頒內府之珍
德厚淪肌感深填臆伏念臣本無他技幸際明時疆
南海以承流未殫微效國西門之作牧誤被親除比
甫見於吏民願曷酬於君父忽膺密旨加賚豐儀異
馥芬芳生清風於茗椀精鏐璀璨疊香雪於衣旒昭
宸眷之優隆煥綸言之勉厲龍光俯逮愚分奚勝恭
惟皇帝陛下德照百官明周四表求文武如不及

爵以勸功送禮樂遠有華予以馭幸遂令塵陋亦被
恩榮臣敢不拜手登嘉鞠躬思稱凡服用之頃永言
何日之忘惟薰淪其中以報如天之賜

謝特賜香茶纈金花

上流承乏倏逢夏五之書中旨傳宣恭被畫三之錫
說榮凡目增感懦衷伏念臣猥備驅馳每慚玩愒特
辱軫懷於邊役過勤頌賚於尚方郁散龍煤帶御爐
之霏霧珍分鳳夸來官焙之清風藉之奩金夏鑄之
精侑以剪綵春工之巧縹儀鼎重眷眷益昭茲蓋恭
遇皇帝陛下序情閔勞以予馭幸高拱離明之正
如日方中遠揚渙汗之先從天而下自惟庸瑣曷稱

優隆臣敢不將慮薰心歛華就實無一毫而非君賜
何以將之惟終身而荷聖情未知報所

謝特賜銀絹

逢震夙之期職修篚貢頌晉書之錫禮重幣餘示外
服之光華極中高之愧懼臣任分方岳報乏清塵頌
江漢之萬年瑞開電繞效荆衡之三品忱寓風且幸
沐優容敢圖蕃賚侈精錄之交粲與芟帛以橫陳恩
厚如天感深無地恭惟 皇帝陛下垂衣而治所寶
惟賢市駿馬骨以千金感召翕來於國士易胡人首
以一綃經營足繼於祖規顧惟何功拜此大賜臣敢
不祇承寵渥勉厲愚衷解以衣韓豈但詫一身之飾

捐而間楚席幾得萬里之情

謝宣賜香茶

徽成罔功方忝便蕃之錫梅壬在候又頒芳潤之珍
服命優隆感恩激烈伏念臣再鼓愈淡一畫無竒守
國金湯類鄙窮儒之臭味屬時烽火曷驅醜虜之腥
羶忽月團分官焙之餘而煙縷輟御爐之賸來由黼
座藉以實奩洗苑勃於塵心侈光華於凡目茲蓋恭
遇 皇帝陛下因時行惠以禮遇臣明德惟馨格遠
人於萬里大亨以養來賢士於四方致使孤蹤亦叨
殊賚臣敢不望咫尺威而下拜銘寸臆以中藏嘉與戎
行無載渴載飢之嘆恭禱君賜有三熏三沐之辭

謝宣賜臘藥辛亥

一札細書遠下楚熊之域萬金良藥聿來周蜡之時
聖惠優隆愚衷激烈伏念臣徒勞寢老再試罔功蒙
犯風寒固知與士卒而同甘苦因仍水潦未能使田
里之無嘆愁敢期濟衆之仁俯資衛生之劑出綸錫
書挾纊回春茲蓋恭遇 皇帝陛下視民如傷使臣
以禮布德行慶元之庶有瘳乎序情閱勞溫之和可
知矣遂令踈逝亦被匪頒臣敢不稽首拜嘉鞠躬盡
瘁扶持弱質頓踰丹砂赤箭之儲歌詠殊恩願續翠
管銀鬕之句

嗣男 杓 編次

可齋雜藁卷之三

可齋雜藁卷之四

啓

代蜀總督史丞相拜太師魏國公

大庭播告上衮登庸定鼎相成師禮重周公之德分
圭啓魏國名嘉畢萬之封昭宗臣佐策之勲示明主
報功之寵古今盛事中外歡心竊以六典作姬首三
公而始置百官表漢非一職以為稱自尚父得於磻
溪而子房奮於黃石寥々千載落々幾人迄我皇朝
尤為曠典惟淳化真人之紹述禮趙普以勲勞至元
祐天子之幼冲拜潞公以年德中興而後未見如斯
考國史之所聞獨會稽之先烈然在 孝廟十年庚

成之旦始疏魏社之封迄于 光皇三月甲寅之辰
初演師垣之命非以欽崇於舊學則由擁佑於重光
方蔚為寶訓之首稱况繼以金甌之全美超前越後
僅有絕無恭惟某官社稷重臣國家元老正摧綱於
聖化更張之日運籌策於王室規恢之時事能應物
能名持著龜之先見剛不吐柔不茹存金石之誠心
坐扶茂陵三十載之治功益衍炎祚萬億年之休命
赤舄獨隆於左右黃旗浸盛於東南屬開曆數之紹
堯方卜謳歌之歸啓天擎鼇柱金滕藏代發之書日
洗虞淵玉几任保釗之寄遂定一代延長之計克彰
兩宮仁孝之忱以至義質鬼神息四海鴟鴞之難信

行蠻貊格五胡狼虎之姦國勢無山岳之動搖人心
有松栢之茂悅矧登鴻碩叶贊燕詒奉廣如之徽音
佐繼文之丕烈屹然於從容密勿之頃隱若有憑藉
維持之基斯克享於天心宜莫隆於人爵竊聆奎翰
親發玉音道慈訓之丁寧示元勳之尊顯謂先朝眷
倚之意當示褒崇而今日擁翊之功豈容謙抑所以
彰兩朝不世之績慰二祖在天之靈異數肆放僉言
惟允山川世胄方益增茅土之封巖石民瞻當愈重
槐庭之位然且秉樞機之周密運鼎軸之尊安被之
詩歌宜在蒸民崧高之雅編之史冊無愧伊訓說命
之書自親見之民生幸甚其謬司井絡久屬泰階矧

竊聽於 麻喜欲廢於綠竹丹心報國敢忘雨露之
深恩白首逢時未分江湖之終老

代蜀總督賀興元丁帥除利路安撫副使

簡在上心全付方面錫馬侈康侯之席將膺接晉之
榮執禽戒弟子之與遂正帥師之寄觀朝廷之善處
知夷狄之何憂蓋嘗竊聞道路之言妄測廟堂之筭
謂今蜀棧重在漢關有如虵之首尾不可分母以鹿
之掎角為足守故雖二閩之設是特一時之宜豈能
無脉絡之不通或者謂體統之當一昔邲之役林父
不能克而相之師子儀亦無成近而授劔一令浮梁
之捷聞舉扇一言符離之事去用兵之大率如此謀

帥之不專可乎以古事言為今日賀恭惟某官兵民
司命國家精神夷險屢更惟義可以落姦雄之膽忠
誠一致惟信可以服蠻貊之心中外所恃以安宗社
所倚以重比陞卿列咸侯公歸獨以禮樂雖吾儒之
至榮然在春秋於外夷而必斥凡使華之遠有以帝
眷之方深此實高祖留蕭之規少鬱周人思旦之望
青氈之帳雖舊白羽之麾方新由茲持太一之大權
合子午之全勢事無肘掣機不髮容夜雪而入蔡城
今得一裴度矣春風而問浯水豈無十元結哉某忽
聆檄羽之傳不覺履齒之折蓋敵國如一枰之上勝
着在斯凡吾屬皆同舟之中安心可也

代荆閩賀沿江趙制置除煥學

北闕疏恩西清晉直東壁圖書之府載典堯章金陵
帝王之州仍分齊履詔頒元日喜動明庭恭惟某官
社稷宗臣詩書碩望閩中留蕭丞相自膺漢京鎖鑰
之權江左有管夷吾盡洗晉國衣冠之陋屹一柱之
山立障百川而瀾回天險石頭有虎踞龍蟠之勢波
澄淮水無鯨吐鰲擲之驚茲膺蟻之知爰進凝嚴
之職牙籤玉軸式昭雲漢之文茲矢彤弓增重風寒
之寄佇垂彛鼎即正機衡某矍鑠一翁棲遲三峴方
效祁奚之請老仍偕文子以同升耳聽演綸心形折
屐盟鷗夢斷祗憐白首於江湖賀燕心傾徒想烏衣

之巷陌

代京西漕賀沿江趙制置平寇

孽子臣干紀驅烏合以跳踉王旅徂征振鷹揚而剪滅
去藩籬之元惡偉社稷之雋功吉語星馳歡聲雷動
竊以何代無姦雄之患亦惟在人有控制之方鶴唳
風前走符堅於淝水鵝鳴雪裏縛元濟於蔡城至今
談者之言固曰偉哉之績然使一時震懼之際萬口
患來之初得裴度則唐業賴之微安石則晉事去矣
不圖今日復見古人有如揚楚之近郊自納涵青之
舊俗憂深背脅養成火厝之疽根勢類股腰更甚後
元之跋盪上方廣天地之容貸彼乃抗雷霆而陸梁

染蚩血於衣冠扇苗腥於城郭江帆海艦攘螳臂以
欲登月戍雲屯逞豺聲而肆毒於斯時也疇克任之
幸九重奮乾剛之明而十乘任泰平之責合軍於呼
吸之頃決策於指縱之間折箠一笞投戈四潰恭惟
某官廟堂雅量鼎鼐元勳分寶展親麟趾倚維城之
重受社作輔犬牙強磐石之宗幾年盛宇宙之威名
壯志俟風雲之機會自制孫吳之鐵甕每懷梁氏之
金甌秦虎狼而拂其心知噬人而且至取鯨鯢而封
之觀期逋寇之必誅故盡護於我師即翕張於士氣
若元若石若琰勵父子兄弟之謀曰頽曰愬曰弘協
將帥賓僚之力遂騰丕績高掩前聞佛狸果斃於卯

年鬼蜮莫窺於大德月星明概霾曠清夷旅矢彤弓
盍考召公之命衮衣赤舄亟催姬旦之歸赫常武於
清朝揚景光於後代某猥乘邊傳欣聽驛書正深慶
緯之過憂倏動儒紳之喜色于疆于理佇還同官禹
貢之封可磨可鐫願肆柳雅韓碑之作

代京西漕賀淮東趙安撫平寇轉官陞職

露布奏功宸綸疏渥牙籤玉軸升書殿之清班紫綬
金章陟文階之峻秩增十連之重寄昭一代之殊勳
芝誥聯榮棣華胥慶竊巨弭非常之變是必有非常
之材建甚盛之功亦宜加甚盛之典適觀在昔肆伐
于淮東山歸勞而榮以衮衣江漢來平而錫之旅矢

淝水風聲之役予封邑於亘伊蔡城雪夜之師加大
夫於道古每切仰景光於前代不圖見休烈於清朝
自夫楚國之亡猿久矣漢人之養虎負恩干紀攘螳
臂以當車裒亮鞠頽逞蜂腰之辱斧不藉泰山四維
之力孰護長江千里之寒鋤其疽根洗厥妖祲今有
勳焉如此願何賞以報之恭惟某官勁氣摩雲精誠
貫日立狂瀾之砥柱駕長風之孤騫慷慨事機蓋出
父子弟兄之素志勤勞王室允為將相文武之全才
華夷知萬福之威名士卒想臨淮之氣色踞鞍上馬
期慰河南父老之恩擊楫中流勉徇江東人士之望
出星門而仗鉞指蒲澤以麾戈並轡載馳協鵲鶴之

禦侮援桴一鼓隨臬鏡之就殲風霆倏其震揚宇宙
為之明概亘頌異數用答殊勞末誇篋并鏤錫之有
光盍取鼎彝旂常而載紀繪功建武重瞻冠鄧之丹
青作雅元和丕邁柳韓之金石某猥乘邊傳欣聽驛
書實閔宗社之閑休匪但門墻之私慶緬懷風景豈
嗟有異之山河想見官軍可冀中興之日月

代京西漕賀淮東趙提刑平寇進職

獻捷戎車持斧上綉衣之最升班書殿拖金下紫綬
之榮官名應中穗之禾慶事聯華萼之棣渙頒成命
鼎沸歡謠嘗觀古人伯仲之間其在於前代勳名之盛
庾亮之有庾翼僅更鎮於武昌謝萬之與謝安靡同

時於淝水蓋未有二惠競爽一體共功并轡載馳躬
提熊虎之旅麾戈並出手戮鯨鯢之姦莫安宗社之
基圖淨掃乾坤之氛稜捷無虛月賞不踰時並膺甘
茂之十官俱受子展之三命竹帛未之有也縉紳孰
能任之恭惟某官三光五岳之英千載一時之瑞冠
神州戮力王室皦皦盛心濟大江誓清中原凜々英
氣早著西平之有子允宜北顧之無憂江左衣冠見
夷吾而釋慮淮南兵甲賴長孺以寢謀屬狡焉失狼
莠之藉而蠢爾逞蜂蠱之毒恣其兇虐速我誅鉏遂
勤天討之師爰問鬼誅之惡星輶風駕露布朝馳翕
令腹敗以枝披盡使草薶而禽獮金平兩矢未誇武

安兄弟之勳采石風帆復見雍國文武之略功成不
世報以何官宜紅旗之捷奏未幾而黃紙之除書並
至歌江漢之是似已裕父功賦東山之盍歸佇恢王
業某濫乘邊傳條聽郵音誕揚千載之景光歡動三
軍之舊部縛賊奴而取金印恨莫陪橐弭於其間與
兒童而唱銅鞮但喜同車書之有日

代荆閩賀交代趙侍郎除京湖制置

凝旒親擢授鉞專征紫橐遙朝南奏淮頭之新捷碧
油建閩載臨峴首之舊封郵音四傳士氣十倍竊考
三軍師帥之重見諸一門父子之榮趙孟繼成季之
勳晉典刑之具在李愬踐西平之鎮唐功業之獨隆

蓋世德之素孚斯群心之攸屬欣逢盛舉曼掩前聞
恭惟某官三光五岳之奇四海萬人之望謂故國必
有喬木挺挺高風濟大江誓清中原凜、英氣早佐
籌帷之畫諾已寬宸衷之顧憂中外幾年始終一節
比孽臣之干紀總王旅以徂征並轡載馳投戈四潰
既侈京觀鯨鯢之戮甫趨禁墀鵝鷺之班時適西風
憂軫丙夜維江左賴夷吾而無慮然襄陽正叔子之
興思遂輟貳於六卿俾盡護於諸將麾幟士卒一毫
無更城郭人民重來如故焜燿弟兄之華萼摩挲父
老之甘棠碎轅輜破穹廬佇掃清於朔漠書旂常銘
彝鼎即入輔於昕朝某賦分癯儒受知先哲護風數

處歎若汗青歷星一終頽然頭白久困榆邊之酬應
屢陳若雲之歸休凡而營壘之間盡循諸葛不料藩
籬之外又生一秦正綿力之勉支忽綸言之誕播金
蘭益締糠粃曷虞占城上之赤雲已卜歸期之近望
關中之紫氣不勝候吏之瞻

代荆閩賀趙都承除京湖制副兼京西漕

絲綸錫渥軺鉞登庸次對灑班密布樞機之旨元戎
小隊交輝禮樂之華新命倣傳舊封肆悅眷乃一門
之盛見之再世之間淮南迭君如贊皇之父子武昌
繼踵若元規之弟兄然相與以並為乃昔無而今有
縉紳創見竹帛增光恭惟某官蓋代奇材濟時雅志

心有如日常存宗社之謀義不共天素得家庭之論
早自羶裘之猖獗已先介冑以馳驅屢更險夷一致
忠孝比楓宸之授節指蒲澤以麾戈雪壘夕馳露布
朝奏凡臬鏡底就殲之速皆鵲鴿專禦侮之勞笳鼓
賦歸甫息淮堧之稜羽書告遽忽騰蜀棧之烽上懷
叔子之威名士想臨淮之氣色遂繇帷幄來建閩臺
江山形勢嘗得之目中錢穀甲兵可運之掌上一麾
白羽盡復青羶北平之氣無雙固邊人之素服鄴侯
之功第一看史冊之相輝某老不如人久焉懷土徒
以受令公之薦尚茲守忠武之營萬里封疆不料鄉
鄰之警十年精力徒傷風景之瞻幸二惠之肯來庶

一癯之知免國事幸甚造物界之入玉門閔豈望賜
環之寵歌銅鞮陌欣聞挾纊之聲

代京西漕賀趙都承除京湖制副兼京西漕

謀詩書帥遣禮樂臣密旨布宣次對屈松階之履使
摧咨度元戎連蓉府之鑣郵音四傳士氣十倍竊以
奕代典刑之懿載稽昔賢勲業之隆李愬踐西平之
官猶詫唐人之父子庾翼繼武昌之鎮尚誇晉世之
弟兄况夫踵閩閩之英規聃圃臺之逸駕於昭盛美
實掩前聞恭惟某官文武全材社稷偉器千載英靈
之氣飄々如雲一門忠孝之心皦皦猶日早贊庭帷
之畫諾已寬廊廟之顧憂險夷百為始終一節比以

金甌之幾玷有勤綉斧之徂征雪鵝夜馳風鶴朝奏
甫賴淮南之汲黯屬懷江漢之召公謂湟水羗人尚
畏後將軍之策而鎮州士卒猶存先太師之衣茲樞
機輟紫禁之班而軺鉞問青氊之舊江山好在壁壘
麾幟之無更日月幾何城郭人民之如故目眇五原
之草綠指麾萬竈之粟紅破穹廬碎輜輜一掃黃龍
之磧清廟貌定鍾簾重申白馬之盟看手拍於銅鞮
慶腰懸於金斗其絕微籌略猥玷諏謀數載春陵髮
為之白一束襄峴突未及黔適當擊折之時旋玷予
環之寵欣聆除目幸締交盟雷動歡聲頓釋藩籬之
過慮海涵宏度庶無糠粃之遺羞

代京西漕賀全大監除京西提舉兼制參

彤墀疏寵玉節陞華省監班將建小雅修車之績
閫轅佐畫豈惟太史平準之司郵音一傳輿頌四達
恭惟某官器全王佐名冠時流抵掌論兵皆暗合孫
吳之略抱膝懷古有自比管樂之心早曳裾而客諸
侯即折箠而制千里春容談笑之頃慷慨功名之津
入奉廟謀平楚首來於劇孟出參軍事却秦盡出於
仲連坐揚天討之師立正鬼誅之惡既騰露布游陟
星闈屬懷蜀棧萬里之憂尤重襄城上流之勢謂二
三豪俊以相與於籌帷有百萬甲兵蓋莫如於武庫
載塵使事誕布皇靈草木皆知於威名壁壘喜聞其

氣色佇恢謨略弘濟艱難玉帳借籌暫屈轡絲之攬
金印如斗亟看笳鼓之歸某弩末技窮刀頭夢切慨
念星霜之久精力為殫願瞻風景之殊意料不及茲
忝予環之命適丁擊柝之時忽聽除音頓強懦氣願
言長策亟澄江漢之波庶俾陳人早問丘園之隱

代蜀總賀桂侍郎除四川制置

紫橐聯班綸綍布王言之命碧油易鎮詩書膺元帥
之謀封疆並四履之雄中外有九鼎之重先庚倣播
旁午歡聲敢因名氏之通略叙兵民之繫若時西土
在國北門自罹徃歲狐鼠之姦甫覺連年鴻鴈之集
胡牧倏侵於春草戎亭屢警於夕烽雖廟筭之全安

致老酋之斃去而且苗腥汚於隴右虫血漬於中原
失火殃魚藩籬恐及傷弓驚鳥家室為憂在吾自治
之方無出不爭之策然閔堡有齒唇之必守而蕭牆
有心腹之當防不有人焉孰為國重恭惟某官兩朝
碩德千載真儒典刑大雅之遺音學問中庸之至性
青山三百疊真人傑以地靈丹桂五枝芳由源深而
流遠自膺分月即委護風宣流畫戟之仁聲振厲繡
衣之精采一塵無礙已寒朔幕之氈十乘有行未暖
渚宮之席屬時宵旰遠顧岷峨謂裔夷又起於一秦
而將略可無於諸葛遂躋卽位亟陟卿珪載登枚徐
侍從之班正重周召方伯之寄夜觀奎壁煥寶儲次

對之疆春到井參偉玉帳前籌之智自是定四維安
疆之計為萬里掃清之期聞范公而西賊驚何憂疆
場相司馬而遼人戒佇位廟堂其一總賦輿屢踰歲
籥瓶之罄矣莫供漢柳之屯旌以招之許問吳松之
釣伊昔托鄰於玉水今將識面於寶屏言下日邊喜
同雪外雖烏檣已辨中車欲問於田園僅馬首可瞻
聚米願陳於山谷遲吾行也猶及見之

代襄閩賀黃漕赴召除卿帥成都

渙頒宸綍晉陟卿珪不俟駕而行甫聽四牡使臣之
勞毋疾驅有詔復膺三軍元帥之謀偉中外之歡聲
仍山川之舊壤恭惟某官清廟鍾呂明堂棟梁學問

續諸儒之燈文章傳萬古之印剛弗吐柔弗茹山甫
高風撓不濁澄不清叔度偉量自指錦宮而弭節已
兼玉帳以殿邦臺閩七年金湯增重岷峨半壁桃李
成陰上方予環以召之公已趣裝而下矣星輶南指
謂遼東之白鶴且還月掌西升奚關上之青牛再去
意者蜀道天難之險靡容雪山人去之輕遂留蕭何
行且殿四封之重無過戴胄豈徒持三尺之年雖是
行少緩於登仙恐不日爰立而作相某身縻閩寄心
荷襟期聽做播之好音覺倍明於老眼記慈恩五百
人之列喜最號於得人望少城幾千里之遙恨莫陪
於賀客

代賀四川桂制置除煥學

碧油奏最丹綽疏恩元日路朝方尊羣后奉璋之聽
清時冊府載司寧王遺寶之書偉學士之華班表帝
心之隆眷一新明命四達歡謠恭惟某官禮樂鉅儒
典刑大雅早負經綸之志出逢熙洽之辰戮力神州
小江左夷吾之智盛心王業繼隆中諸葛之規自繡
衣徃鎮於淮濱逮昔纛載臨於荆渚赫然偉績簡在
眷衷獻納聯班爰荷彤墀之橐詩書謀帥遂分玉壘
之弓顧當虛疑瀕洞之餘首用安靜和平之策張忠
定一箇信人心隨見於感孚范老子百萬兵敵膽果
聞於驚破茲化日春熙於井絡而胡星夜落於昴街

門戶藩籬匪特壯青天之險介胄干櫓無非用黃石
之柔挽回蜀道之難屹作雪山之重宜陞奎象仍護
參墟勒孟陽劔閣銘佇紀功於彛鼎上王褒益州頌
即正位於岩廊某久荷化鈞欣聆宸綽矧鴈鷺行
之列敢忘燕雀賀之私閔中之蕭相復留願竟成於
勲業穎川之許丞未去尚終賴於寬弘

代京西漕賀湖北趙漕

妙東上心肅將使指金奎入奏方耽蘭省之班玉節
蜚來仍轉柳營之餉臺綱倣振輿頌翕歸恭惟某官
帝室宗英儒林師匠半標立千仞之壁議論回百川
之瀾學問淵源傳式夷之正印性命道德續伊洛之

遺燈故凡平時施設之方盡出諸老講明之素分符
楚戶尚懷細侯竹馬之思攬轡夔門孰訪忠武木牛
之略繼興思於宣室爰上計於甘泉含雞舌之香浸
階清要接豹尾之武盡罄論思時惟洞庭彭蠡之濱
莫急金城隍中之漕遂迂孰路來駕輕車席上過師
毋薄青氈之舊樓前訪古細賡黃鶴之吟恐墨突之
未黔有漢泥之即紫其守邊固效乘傳踰涯正虞寄
重於喉襟其孰勢耽於唇齒前旌相望後爨何憂築
壽昌之邊倉恨未知於竒畫繼鄼侯之糧道願俯示
於良規

代賀京西朱憲除閣職

麾輶奏最綸綍疏恩道家蓬萊之山峻躋華直方城
漢水之地仍總使權封圻無前日之殊父老有暮年
之借游頌翼命允穆師言恭惟某官奧學淵停孤標
山立博通古典不遺九丘八索之書涵泳聖經一洗
諸子百家之說赫奕金城之上計光華玉節之乘邊
氈芻畏威夜落旄頭之焰衣冠垂象曉澄貫索之輝
遠颺九重欽恤之仁益聳一道澄清之譽猶若奭分
陝召南之化盛行而季梁在隋漢東之國為大宜膺
芝誥爰典竹書光昭奎壁之文章位重隄原之禮樂
佇歌四牡即觀六龍某久竊餘光欣聞成命代庖越
俎方虞駕乘之貽羞攬轡登車尚賴餘波之借潤

代京西漕賀李二書

疇咨首諫晉陟都臺訓飭邦之爰掌冬鄉之典緝熙
帝學密陪昕幄之遊郵音肆傳輿論胥慶恭惟某官
氣涵剛大識造精微蘊開物成務之才抱尊主庇民
之學一時星鳳真中朝人物之英千載雲龍乃南陽
帝鄉之彥外庸早著上春素深旋步武於周行即王
盟於公論烏臺執憲備更三院之朝儀騎省封囊屢
補百張之諫紙盡行所學無隱不言人主為霖於威
顏天下想聞其風采夙夜獻納宜陞畫省之班日月
就将仍侍金華之講翊成君德興起治功聽文石之
履齎難淹步武調泰階之鼎鉉佇倚經綸其誤攬轡

絲欣聆制綉鴈門遣戍正虞數處之護風燕廈傾心
庶賴萬間之茫雨

代京西漕賀錢祕監兼侍講

渙恩楓宸晉長蘭臺馬融三八之榮盛推東觀丁鴻
五論之講密侍北宮真儒者之至榮罄輿情而胥悅
恭惟某官儒林根柢藝苑精華續性命之遺燈振聖
賢之餘響文章藻麗有三代兩漢之風學問淵深洗
諸子百家之陋外庸早著上春久隆由驥足以來旋
即駕行之闊步太乙青藜之閣爰屈校讎中書紫薇
之垣久瞻儀羽茲正大蓬之寵式彰丹宸之知虎觀
曉趨帝學賴緝熙之益麟臺畫直皇猷資黼黻之二

已聯論思獻納之班佇錫輔相弼諧之命某遙分使
傳欣聽除音引領蓬萊知是幾塵之隔依身厦屋庶
無凌雨之憂

代京西漕賀趙侍御除大諫

疇咨橫榻峻陟上坡聖天子從善如流久資風憲諫
大夫憂國猶渴式罄箴規御筆親除儒紳交慶恭惟
某官氣涵剛大學造精微著龜彰先見之明金石厲
匪躬之節閉邪陳善竊自比於孟軻正色立朝咸謂
今之汲黯外庸早著上眷素隆由步武於周行即主
盟於三論五花天近聳峩豸之威稜兩栢霜凝振乘
馳之精采中外為之嚴憚朝廷賴以尊安有三代遺

直之風再瞻清獻當八年敢言之日允賴陽城喜賡
慶曆之歌詩更費元和之諫紙益彈剴論共起太平
想集書囊作漢文之帷障倚持色線補虞舜之衣裳
某誤攬轡絲欣聆制綽當日月之亭午坐底陰消誦
江漢之朝宗願祈海納

代京西漕賀何宗博除正言

龍墀渙渥騎省升華正色立朝重見元和之諫紙真
賢得路共賡慶曆之歌詩吾道光亨太平立致恭惟
某官氣涵剛大識造精微抱開物成務之才存陳善
閑邪之敬慷慨論事賈誼陸贄之流鯁切愛君魏證
王珪之右外庸早著上眷以隆粵登駕序之華甫典

麟宗之籍屬時當宁勤八年望治之心咨我正人類
一言興邦之益爰資鴻碩未訂箴規白筆抗詞士想
聞於風采青蒲入奏上必霽於威顏朝端愈見於清
明國勢佇期於寧謐身依文石奚拘一月之上封目
送延英不待數年而入相某遙分使指欣聽除書數
處護風正鴈門之遣戎萬間茫兩惟燕厦之傾心

代京西漕賀陳少監兼殿講

中宸疏寵內殿論經五兵法度之嚴甫推武庫三代
詩書之考宜在講帷除書四傳士論胥慶恭惟某官
詞林宗匠治道津梁續性命之遺燈振聖賢之餘響
文章典麗有三代兩漢之風學問深純洗諸子百家

之習蚤逢熙洽妙東眷知槐市橫經久積師儒之望
蓬山接武復升臺省之班茲由戎監之華爰侍細纜
之讀書聖問而付史館丕邁昌朝成君德而在經筵
式資正叔由是贊緝熙之學此其為輔相之基紫荷
立登白麻可俟某遙分使傳欣聽除音數處護風正
鴈門之遣戎萬間茫兩惟燕厦之傾心

代賀陳洋州

黼座疏恩朱轡作牧十年出幕府望久積於旌麾千
里得湖山令將新於庭戶嶠冢重東流之地漢闕寬
西顧之憂金湯有人紳笏胥慶恭惟某官闈苑錦屏
之秀雪山玉壘之英自卧大床元龍有湖海之氣安

事一室仲舉非塵埃之人自驥騁於康衢即鵬搏於溟渤以身殉國凜存忠孝之規趨事赴功靡擇險夷之任談笑河陽之幕從容單父之琴月駕佐邦清徹一盃之水星臺贊餉飽供萬竈之煙士方相為斯世勲業之期上盍趣登中朝獻納之選屬時劔棧重在洋川南褒北斜直指子午之谷前隴後蜀正嚴戍已之屯遂膺玉帳之剡聞亟畀銅符而作鎮山川人物既素得於目中堡障繭絲斯可運於掌上茲未促行春之駕果已騰來暮之謠石硯牙籤細和詞人之佳句橙亭秋浦重尋賢守之舊遊第朝廷已深知於弱翁恐郡國難久屈於黃霸靡需黔突即渙紫泥其癡

未了官少寧更事一行作吏已慚揚州梅閣之吟再轉為丞尤愧藍田松庭之記雖凡肯勉期於丹換而俗容尚費於藥醫碌、家庭見謂厥苗而弗播棲棲歲月真成不穡以取困政有畏於簡書乃獲承於祭戟庶依召父未去許丞母失名譽善事上官尚當詣大府而受約束豈無他人不如同姓庶期知廣廈之為帡幪

可齋雜藁卷之四

可齋雜藁卷之五

啓

賀太傅鄭右相

明廷播告元老奮庸立傳惟其人用幸昭於舊德作
相置諸右俾兼總於中樞以道亨世運之屯於易得
君子之復八紘豫動九鼎安疆惟前代訓迪厥官亦
舊人圖任共政當景祐際則有若沂公在隆興朝則
有若岐國雖皆因於首鉉旋晉陟於中台光于前聞
未若今日密勿君臣之好雍容師保之間恭惟某官
公溥而明通德盛而仁熟求多聞典于學甘盤之於
殷邦持衆美効之君元齡之起秦府學力定而誠心

貫金石世故熟而先見猶著龜佐昔端平為小元祐
衆正有彙升之喜皇穹開將泰之機一時規模三代
氣象三爾幹斗樞而在手倏焉付雲岫之無心若旱
作霖天子形之夢想如農望歲國人喜其來歸自解
瑟而更張久覆甌而有待不扶其顛危將焉用彼今
欲其平治舍我其誰一月三至經筵維已罄謀猷而
告后十年再登相位何如陳德義以佐王緇衣斯美
於武公黼冕載加於士會雷霆久蟄宇宙更春第上
心方望於太平而國事愈殷於疇昔境日蹙而狄難
孔棘士風靡而黨論尚騰漢幣壞矣無子母相權之
宜唐笑壅矣之淵泉流通之術哀鴻愁嘆封豕縱橫

挽回陽九之艱難舉看台三之運掉真儒無敵吾屬
何憂猶醫用藥審已試之方如奕舉棋回屢更之局
自是寄安危於八柱平輕重於一舟以弼丕基以熙
庶績畢天下之能事集古人之大成罔俾周召專美
有姬當與文富齊芳我宋器非舊人惟求舊式副具
瞻周有終相亦惟終其永無斁某自憐頑鑿久出洪
爐雖畎畝若將終身未忘髮緯如鈞陶之轉一氣忽
聽制麻駕駘惟憲主之懷小草有逢時之幸魚鰕侶
迹燕雀馳誠望太階兩之符固煙霄之絕想賴厦
屋渠之茫知風雨之無虞

賀鄭左相除太師魏國公 拜免太師

制麻誕播魁柄載持不必備官惟其人謙處維垣之
貴爰立作相置諸左晉封大國之榮九鼎尊安八埏
闔懌睠本朝之上宰固共政以舊人命路國於至和
之二年則乃首台之重陟復岐公於隆興之初禩亦
由次輔以後升大冊聳聞前修丕邁恭惟某官器閱
而用博誠立而明通有王佐才務引其君於當道曰
大人者將以先知而覺民公論恃之以統盟善類倚
之為宗主自還公衮叶輔宸旒持勁節之冰霜締隆
知於金石慨念治功之遼邈罔回世運之艱屯酬酢
幾微堅凝力量統百官而撫夷夏遂萬物以理陰陽
咨爾股肱比三年而為國隆吾體貌咸一德以享心

上方待之以不名公愈退然而母伐茲頒九命式副
羣情然且陳善責難俯陋姚崇十事之說辭榮就列
遠愈鄧彪三遜之高對揚帝訓之丁寧密勿阿衡之
倚賴冠榮樞斗行賦公圭蓋將畢大儒熙載之工于
以副明主仰成之意第惟事會尚費謨猷治善化更
雖類解以方調之瑟師老財匱殆如張而未弛之弓
抑猶闕尺脉之證深未易方七劑之效速旁觀泛論
雖非賈誼陸贄以能言畢智盡忠孰識如晦元齡之
不易竊窺偉奏敬嘆盛心譬彼中流駕萬斛之航而
必屆憂乎行道審六馬之馭以何難天其開平治之
期時則賴扶持之力器舊人求舊無疆惟休德新日

又新永膺多福其窮閭屏跡大廈固身夙蒙化治之
生成今觀明綸而鼓舞譴名未洗豈敢希人才冊子
之收慶頌喧傳猶願効儒士歌詩之作

賀鄭丞相克復襄樊

郡國披圖贊九重之英斷巖廊授策還三峴之舊疆
喜動河山慶閔社稷眷昔光堯之南渡首嚴襄漢之
西門艱難經理雖賴臣飛維持主張實繇相鼎曾謂
金湯之全勢洊羅榛莽者歷年幸明良之相逢運神
武於不殺遂收舊物允邁前脩恭惟某官膺狄壯猶
卻萊儒效身任國家之泰道亨天地之屯撫御時機
運掌中之造化圖回區宇起心上之經綸謀謨密契

於宸衷科瑣曲詳於邊史自許以中立將成李愬之
功無愧乎弱翁每是營平之策此三軍之奮勇爰一
舉以疇勛城郭皆是人民則非無復形於浩歎廟貌
不移鐘簾如故茲可異於中興某猥備馳驅幸附鱗
翼不揣敢輕於斯動自知獨犯於衆難復古銅鞮賴
公玉斧敢不增陴浚隍以固吾圉繕兵積粟以伐敵
謀曹翰孰可繼之願重幽燕之守張仲侯誰在矣庶
臻江漢之成

賀別參政

渙恩丹宸復位黃扉九重回日月之明載新大政四
海切雲霓之望爰起舊勛世運亨屯人情悅豫竊以

國朝之大拜每由政府以平躋路公相於慶曆際之
八年先踰年而進任文簡擢於景德初之七月後閱
月以登庸曾不踰時付之大柄茲誕敷於明制將不
邁於前聞恭惟某官享帝精忠救時才略琦有奇骨
聲氣晏若而下自安沆真貴人風範凝然為上所重
早歷藩方之委寄屢騰王室之勳庸德望著於朝廷
威名在於夷狄昨陪宰席妙東宸旒下斧鉞於青真
猶以門戶藩籬之倚重樂鼓鐘於綠野孰知江湖廊
廟之同憂若大旱用汝作霖凡國人望公如歲天其
欲治舍孟子當其誰哉吾乃今知曰周禮盡在是矣
用歸赤舄爰整青氈眷帝心渴見之頻年而時事轉

艱於疇昔賈生所謂公私哀痛之日孔明所謂疲弊
危急之秋地既赤而益以重離鴻之哀整野雖青而
不能弭封豕之游食人材狃於朋比議論勝於事功
漢幣壞矣無子母相摧之方唐笑壅矣之淵泉流通
之術凡此更醫之屢試居然當局之愈難將以挽回
陽九之危孰不俟望台三之出克艱厥臣乃又允賴
和衷爰立作相輔台倚需置左某魚鰕侶逆燕雀傾
心願雖陷北部之黨人何幸覩東山之相業備王導
百六掾之舊諒尚軫於履藉置杜淹四十人之間猶
有希於埏埴

賀王參政

擢自本兵晉陞次輔聞樂正子為政豈惟慰善類之心見王茂洪何憂足以壯中國之勢幸新鼎象允協巖瞻仰惟皇朝稽諸唐制下丞相之一等參天子之萬機自乾德初命居正而副普暨至道際待冠準以同端凡而政本之與聞茲實鈞衡之後用除書誕播盛典親逢恭惟某官學者宗上國之元氣中流砥柱力回瀾倒之百川繁星麗空人仰芒寒之五緯根源道德運量精神調瑟間寬猛之絃審局面安危之着凡幾疏之奏鬚髮盡白歷兩地而上悃愾愈丹以真實之意答天心用和平之方壽國脉扶持公是主君子之夏盟翊贊神謨銷外邪之客氣世方賴之底治

上爰仰以責成開天章閣以疇咨復見仲淹於今日坐退思巖而自任肯居宗道之下風弘濟興功不邁前哲克艱厥臣乃久允賴和衷爰立作相輔台倚需置左某猥安野處欣聽郵傳昔從鞭策之下塵已識廟堂之偉器望泰階六符之采但知拭目於太平持南豐一辨之香惟有傾心於宏覆

賀吳僉書

升華書殿晉位樞庭賚良弼其代予言甫新王度有常德以立武事爰贊廟謨天相斯文國有元氣竊考昭陵之盛際每推宥府之得人命范暨韓士夫喜而酌酒以弼副衍儒者為之獻歌用能寬西北之顧憂

措中外於寧謐茲時並拜再見前修恭惟某官第一
流英賢五百歲間氣自晁董公孫之對人已知為經
濟之材在臯朔吾丘之間上允待以弼諧之寄根源
世德土直民庸以渙乎風水之文豈屯此雲雷之澤
狂瀾砥柱野渡橫舟士每以深源之出處卜安危公
不以子文之仕已形喜愠股肱寄重喉舌歸班日月
論思載視禁扉之草夙夜宥密遂聯公府之槐蓋當
邊圻之風寒尚軫宸旒之盱食彼後將軍十二便將
施行之非小老子百萬兵孰主張是斯至兩地已遲
十年子房用而漢業興司馬相則遼人戒利害在俯
仰請借前箸籌之

成安彊則可高枕卧矣佇登

道揆宏濟興功其素辱殊知欣聆異用何幸見東山
之相業祗憐在北部之黨人跡侶魚鰕心陪燕雀昔
吳公治河南而嘗薦豈敢弭忘今李廣老霸陵以何
為所祈加芘

賀王僉書

渙敷明制晉典本兵受嘉師監祥刑以登喉舌有常
德立武事爰陟股肱九鼎尊安八紘闔懌在昔昭陵
之盛際豈無疆圉之外虞若稽儒英副乃兵柄富文
忠用而弭契丹之犯塞韓魏公進而致元昊之請盟
當時士夫之間共為社稷之慶或酌酒交賀或濃墨
獻歌我思古人復見今日恭惟某官棟梁偉器韶濩

措中外於寧謐茲時並拜再見前修恭惟某官第一
流英賢五百歲間氣自晁董公孫之對人已知為經
濟之材在臯朔吾丘之間上允待以弼諧之寄根源
世德土直民庸以渙乎風水之文豈屯此雲雷之澤
狂瀾砥柱野渡橫舟士每以深源之出處卜安危公
不以子文之仕已形喜愠股肱寄重喉舌歸班日月
論思載視禁扉之草夙夜宥密遂聯公府之槐蓋當
邊拆之風寒尚軫宸旒之盱食彼後將軍十二便將
施行之非小老子百萬兵孰主張是斯至兩地已遲
十年子房用而漢業興司馬相則遼人戒利害在俯
仰請借前箸籌之道德成安疆則可高枕卧矣佇登

道揆宏濟興功某素辱殊知欣聆異用何幸見東山
之相業祗憐在北部之黨人跡侶魚鰕心陪燕雀昔
吳公治河南而嘗薦豈敢弭忘今李廣老霸陵以何
為所祈加芘

賀王僉書

渙敷明制晉典本兵受嘉師監祥刑久登喉舌有常
德立武事爰陟股肱九鼎尊安八紘闡懌在昔昭陵
之盛際豈無疆圉之外虞若稽儒英副乃兵柄富文
忠用而弭契丹之犯塞韓魏公進而致元昊之請盟
當時士夫之間共為社稷之慶或酌酒交賀或濃墨
獻歌我思古人復見今日恭惟某官棟梁偉器韶護

遺音正色立朝簡靖得重臣體據經引古傳治為世
儒宗去來富貴之浮雲出處聲名之山重孤忠霜雪
闊步星辰曳尚書之履以來歸前天子之席而渴見
朝夕獻納修秋典以明刑日月就將啓辰猷而輔德
屬當邊圻軫慮中宸踰春水之已生尚南風之不競
虜知小范老子曾次萬兵上謂司馬端明脚跟一實
藉精神之聚會成道德之安彊予以轉旋世運之屯
扶持君子之泰以回國勢以折寇衝天欲治今世捨
我其誰帝賚予良弼爰立作相某夙登墻仞欣聽郵
傳雖其在北部之黨人何幸覩東山之相業魚鰕侶
迹燕雀傾心問李廣於霸陵今其老矣見王導於江

左夫何憂哉

賀應同知

渙敬顯冊晉典本兵賚良弼代予言甫新王度有常
德立武事爰贊廟謨相業聿開師言允穆觀昭陵之
盛際值疆圉之外虞敷求耆英俾副樞柄富文忠用
而弭契丹之犯塞韓魏國進而致元昊之請盟若時
搢紳之間同然宗社之慶或酌酒相賀或濃墨獻歌
緬思古人復見今日恭惟某官弘深而肅括簡重而
裕和為世儒宗獨振斯文於千古負公輔望已遲兩
地之十年外夷傳誦其詞章多士想聞其風采自更
政瑟首聘賢旌起霖雨之螭龍儀雲霄之祥鳳朝夕

獻納備殫告后之猷日月就将允藉敬王之學洪筆
兼唐之兩制皇文作宋之一經煥然討論潤色之二
隱若輔相弼諧之益屬嚴邊瑣爰藉惟籌少出百萬
兵甲於曾中足制十二便宜於圖上精神聚會道德
安疆上曰朕太平必斯人久聞心屬虜謂相中國母
生事當見膽寒既無競以訓四方即奮庸而完百揆
某幸依墻仞喜聽廷揚魚鰕之侶江湖亦與乾坤之
生育燕雀之賀厦屋莫無風雨之漂搖

賀史同知

渙膺明制晉貳本兵日月論思久為天之喉舌夙夜
宥密爰作帝之股肱宗社安疆華夏闔懾竊考昭陵

之盛際每推右府之得人命范暨韓士夫喜而酌酒
以弼副衍儒者為之獻歌用能消西北二寇之憑陵
致中外百年之寧謐於皇親擢再見前修恭惟某官
識洞萬微才兼數器親承文獻邁呂氏之兩申自致
勳勞偉徂徠之一高素熟開濟治朝之籌略飽諳中
興故府之典章備歷外庸益隆上眷密勿丹屏之步
武維持黃閣之紀綱調瑟間小大之絃事事畢舉審
局面安危之勢著々皆高方將修會計錄於元和况
值上也田園於神爵以嚴科瑣以佐之興登之二三
執政之聯類爾百萬甲兵之助我先后綏乃祖乃父
式副疇庸其永世惟一德一心庶臻底績克趾累朝

之弼亮用基四海之升平吾不如蕭何不如子房允
資人傑時有若巫賢有若伊陟佇相王家某投老餘
生受知再世雖以杜門而屏迹不勝賀履之傾心望
表階六符之疆恨阻瞻於公衮持南豐一辨之敬尚
希范於化鈞

賀應同知兼參政

渙被贊書晉陞次輔上開天章閣方將責任於希文
公坐退思巖奚止比蹤於宗道聿新鼎象允協輿情
恭惟某官社稷股肱道學元氣據經引古博洽為世
儒宗正色立朝靖重得大臣體協調政瑟妙東宸旒
從容禁橐之論思密勿細繻之講誦彌綸兩制一新

建武之詔書領袖諸賢盡取正元之朝士以此巖瞻
之共屬必知柄用之有期命子房以運籌足以禡外
夷之魄用樂正以為政斯其慰善類之心自茲贊襄
一二日之機予以扶植億萬年之命以持國是以濟
興功作宰相須讀書若祖有訓戒遼人母生事彼敵
何憂我儀山甫以圖之今舍孟軻其誰者大鈞播物
寰宇皆春某素辱殊知欣聞異教雖以杜門而屏跡
不勝賀履之傾心望表階六符之疆恨阻瞻於公衮
持南豐一辨之敬願希范於化鈞

賀吏部趙尚書

誕敷上旨正陟中臺典三禮作秩宗任均隆於常伯

統百官掌邦治位尤重於冢鄉三人得時薄海蒙福
恭惟某官明堂柱石清廟鼎彝河間之所好惟書外
無他嗜沛獻之尤窮於易深造其微由管鑰於龍蟠
爰荷囊於豹尾力辭夕拜恬處春官甄拔人才嘗試
山公之啓憂勤宗社備殫劉向之忠鑒裁歸水鏡之
公誦讀重金華之侍尚書為天喉舌式副具瞻執政
猶吾股肱立躋近輔其迹縻遠嶠范竊崇墻玷玷墮
鳶徒羨煙霄之翔翥渠々賀燕冀無風雨之震凌

賀禮部徐尚書

疏恩宸宸正位春官司馬統六師方用真儒之武秩
宗典三禮聿新昭代之文帝眷邦隆師言咸穆恭惟

某官吾道元氣公論主盟機軸一家之言典刑丞弼
根源六藝之學師友聖賢自正色之立朝罄精忠而
報國賜履授鉞幾半天下封囊荷橐不媿古人細糴
尚論於唐虞直筆濃熏於班馬聿資砥柱以障狂瀾
晉司臺閣之大儀益聳巖廊之碩望尚書為天喉舌
式副具瞻執政猶吾股肱立躋近輔其迹縻遠嶠范
竊崇墻萬里梅花共後早調於商鼎十年棠蔭尚知
不廢於蕭規

賀董侍郎權給事

彤墀錫寵青瑣陞華位重論思甫進夏卿之亞任專
封駁仍兼夕拜之榮正人得時薄海蒙福恭惟某官

氣融光嶽道續瀘伊武侯五月渡瀘南方已聞於底
定周公三年歸洛東山何可以久留起能旂犀甲之
元戎還豹尾雞翹之法從竊小百工之事載參九伐
之謀惟精神心術動悟於上前宜風采言論聳聞於
天下綸除沓至柄用可覘批尾抗顏允賴回天之力
緊頭進步便當秉國之均某竦聽好音驩填衷臆梅
花寄遠惟祈商鼎之早調崇蔭瞻前知守蕭規而弗
墜

賀陳中書禮侍

承恩宸陛進貳頌臺蘭省典封應列星於天上薇垣
得直現一佛於人間輔國本以尊安昭聖心之簡注

恭惟某官金鏗逸韻玉立清標相如之賦得同時久
聞於上仲舒之文宜為誥獨步無前自依日月之光
即峻雲霄之步勾稽胄監丞佐帝宗屬資天下之端
人贊決朝廷之大計咨夷而典朕禮爰藉討論賚說
以代予言併煩潤色以綸除之沓至知柄用之可占
維時保護之功羽翼成矣不日奮庸之命股肱喜哉
某縻迹嶺隅馳心墻仞墮鳶跼跼萬山遠隔於煙霄
賀燕渠渠大厦不憂於風雨

賀吏部倪侍郎

渙膺帝制晉貳天官位外府之上卿久贊鈞陶之化
作中臺之小宰載司衡鑑之公君子得與善類舉笏

恭惟某官英韶雅韻嵩華清標名姓御屏屢奏麾符
之最典刑家笏熟諳臺閣之儀載依日月之光益峻
星辰之武二省政事之自出糾正是資三銓人物之
攸司鑒裁久屬喜哉勅命必也正名一新金鏡之掄
才仍輔玉衡之齊政前裴後李豈專美於唐朝左臯
右夔行亮工於帝室某墮身遠嶠舞手好音對鴈飛
不到之天煙霄殊絕依燕賀有成之地風雨奚憂

賀吏部袁侍郎

渙號大廷升華小宰螭坳載筆獨優二史之才豹尾
聯班爰典三銓之寄聿昭帝眷允副輿瞻恭惟某官
瑞世鳳麟識時著蔡考師友一家之譜丕邁前聞續

聖賢千古之燈以詔後學早結楓宸之眷倚久登荷
橐之論思賴時端人定國大計赤墀記事肆煩君舉
之書朱邱談經備罄師資之訓茲人物盡歸於水鏡
在上心實屬於金甌漢宮羽翼之成正資保護虞廷
股肱之作佇陟贊襄其迹繫嶺陬心依墻仞墮鳶跼
跼萬山遠隔於煙霄賀燕渠々大厦不憂於風雨

賀刑部趙侍郎

渙恩宸陛晉貳秋臺執丹筆以平反晉司憲典佩紫
囊而獻納聿正從班端人得時薄海蒙福恭惟某官
英才寡二大雅不羣天子知向之精忠足補當世朝
廷有勉之鯁亮可表宗臣比由東諸侯以來歸即以

小司寇而入侍謂獄者民之命允資忠信慈惠之師而君子法之原尤軫哀矜惻怛之意康哉勅命必也正名呂侯惟哲人既灼四方而教德臯陶弼予治更凝庶績以亮工某縻迹嶺陬馳心墻仞墮鳶跼萬山遠隔於煙霄賀燕渠々大厦不憂於風雨

賀陸常卿兼修注

擢由內相陟乃上卿議主曲臺任稽古禮文之事書嚴直筆為御朝言動之司不顯龍光以華鴻碩恭惟某官學航聖瀆材棟詞林祥麟威鳳之在庭藹然人瑞拱壁天球之照几展也儒珍條永清瑩於笋班羣玉久儀於蓬省以旃厦則得講師之三昧以蘭臺則

備書法之五難將俾立螭日近八磚之影肆煩司范風生九棘之華上心愈切於倚毗國典幸資於潤色起居名為史將垂法於後來太常不是卿竚躋班於通列某縻身聞寄洗耳郵傳瞻紫宸香案之前欣々厦賀憐玉関樂府之嘆望々鄉情

賀饒左司

演綸西掖振領中臺即官上應列星久資贊化都司學為宰相爰俾正名帝眷邇隆師言允穆恭惟某官珩璜粹德韶濩正音事熟理明氣挹風霜之久量宏識遠襟存湖海之寬自步武於周行早攀華於漢省樞機輔贊粵由佐鼎以調梅事物剴裁幾若迎刃而

破竹宜膺妙東載錫真除臺轄二十四司暫煩綱紀
屬車八十一乘更藉論思某遠在嶺陬阻趨墻仞燕
雀賀厦翼無風雨之虞鵲鷺充庭徒作雲霄之夢

賀右司汪祕丞

肆疇儒望榮陟宰司祕書堪為丞爰昇清華之任都
曹學為相仍資毗佐之功除目翕傳師言允穆恭惟
某官周彝古範荆璞希珍曳組羣工之間芒寒色正
振衣千仞之表實茂聲蜚締異眷於九重贊宏謨於
兩地掌丞轄十二司之事既所優為任冊府第一人
之官宜其妙選班笋浸高於步武昂梅允叶於調脗
登道家蓬萊之山風塵夙絕歷台斗璣衡之位日月

可期某遠在嶺陬阻趨墻仞燕雀賀厦翼寬凌震之
虞鵲鷺充庭知慶亨嘉之會

賀陳都承

顯膺眷眷峻陟隆名堯閣通班光中興之籌略漢帷
導旨壯外治之精神溫綍一傳輿情四洽恭惟某官
周彝古範荆璞希珍曳組羣工之間如玉斯潔振衣
千仞之表不雷以同茂著清規游儀華貫夙夜宥密
之命允賴彌縫日月獻納之猷將資啓沃茲陞華於
東壁仍佐畫於西樞柳渾知萬里情折衝餘事元凱
有五經庫應變奚難陸續綸除權輿枋用某猥縻藩
閫阻造賓閱方君子之得時云胡不喜為朝家而致

賀遑及其私

賀陳檢詳除戎少監

渙奉宸綸晉登戎監樞機列屬久毗經武之謀蘭錡
陞華爰領訓之寄有隆異眷益鬯英猷恭惟某官
韶濩正音珩璜粹德理明識定竹迎刃以不留局熟
機圓珠走盤而莫喻凡今日運竒於掌上皆曩時親
得於目中以柳渾識萬里之戎情恢然餘略如元凱
擅五經之武庫皆所優為宜被宸知益隆班望函人
矢人之事咸精其能天官地官之遷各率其屬某遠
縻藩服阻遙賓闕方君子得時自可折衝於異域幸
故人加念毋令投老於炎陬

賀盛編修

疇庸外府佐畫中樞財貨出納之司既煩贊貳基命
宥密之地爰藉編摩溫綽一傳輿情交慶恭惟某官
珩璜粹德韶濩正音曳組羣工之間芒寒色正振衣
千仞之表實茂聲蜚早締眷於寵宸已編儀於鶴序
典匭廣言路無幽枉之不通以負致邦財每受藏之
惟謹念邊防之重事仗樞筦之東僚書成賜經武之
名暫勤刪潤地峻列洪文之館即喜登庸某遠聽除
音倍增慶臆折衝千里知強本之有人托芘萬間爰
抒毫而奏記

賀桂侍郎除四川制置

舟停疏恩碧油分闡登庸荷橐輟楚封鎖鑰之權候
對松堦重蜀道藩垣之寄風傳除目雷動歡聲敢因
三軍謀帥之初僭進一介憂邊之論惟時井絡接壤
裔夷韃方虎視以窺秦金復獸窮而竄洛黃河未泮
鳥猶知他木之棲青草一生馬豈計誰田之牧頃焉
其擾職此之由以國威若喬嶽之安而士論尚驚濤
之駭藩鄰有闢雖無待於纓冠門戶或闕恐未容於
奠枕非得五百年山川之秀孰寬六十州屏翰之憂
恭惟某官卻縠詩書吉甫文武人物三槐之望家聲
五桂之華范老子百萬兵素負平西之略張忠定一
箇倍蓋存用蜀之規自怒翮之培風即貴名之起日

緹屏展驥冀北之羣遂空畫戟憑熊漢東之國為大
繼奏霜臺之最爰登月寺之丞受瑞析珪肆陟列岳
保釐之任握蘭位棘載彰公朝登用之階屬坤維當
夜拆之餘而帝袞切宵衣之頤謂洞庭八百里已息
鯨波而岷峨半壁天可無鰲柱荆楚雖資於叔子褒
斜必賴於孔明左戶論思乃進承明之侍從西班顧
問游膺延閣之圖書暫遲康侯接晉之榮俾正長子
帥師之重甫開玉帳已聳金城自是置京洛於目中
運梁益於掌上醫治根本弈定規模一伊呂之復生
百符石之何慮清廟貌而定鐘簷佇洗甲兵詠几寫
而歸袞衣徑躋鼎鉉某頃叨餉幕獲便親庭辟屬若

臺正愧荷薪之弗克綴負蓉府尤慚據蒞之非宜方
茲俟報於公車未敢遽辭於吏鞅歌昌黎郾城之句
從軍敢與於笑談勒孟陽劔閣之銘珥筆願書於勳
業

賀湖北岳漕除帥

漢節疇庸楚都宅牧班聯玉筍載陞九扈農正之華
略倚金城式重十乘元戎之望眷隆旒冕喜動紳綏
維是荊州素稱督府控三流之上孫劉之所必爭踞
二長之中吳蜀之所胥會豈特襟帶咽喉之自昔尤
為堂奧心腹之在今總百萬兵甲而指縱由之環十
五郡國而生齒繫是要必得嵩華終南鎮時之望庶

克副洞庭彭蠡侯惠之情恭惟某官名闕甘棠中原
喬木說禮崇書之雅尚牧人御衆之長才斯民望為
福星未誇涑水百子駿之譽萬物得以吐氣遠邁春
陵十元結之思學術障百川瀾而東之事業搏萬里
風而上矣公車通籍便宜登清要之津邊徼揚鞭延
益厲忠孝之節自沸袴襦於侯國即煩領袖於籌帷
國有人焉藜藿為之不採誰可使者原隰送以有光
春容鄩侯給饗之規修舉中丞平糴之政有條井
餘地恢屬陝以東陝以西寄欲分於周召謂洛之
南洛之北効已試於石溫遂躋鶴鷺之行同護熊羆
之旅山川草木熟知萬福之威名鼓角旌旗重見孔

明之營壘第恐紫皇香案之注想靡容太乙玉帳之
久勞不俟突黔即須縹綠其箕裘謾學擗櫟散材辱
拔茅嘗以其彙征愧折薪弗克於負荷贅之幕底願
童子何知焉援以階升微公賜不及此感懷惟舊聞
命載新鷺駘方息於長塗賀燕亟鳴於廣廈前茅後
勁願承晏御之驅馳小捐大采尚藉郢斤之斲削

賀別安撫再任

疇庸外閫錫寵中宸一代克章爰晉東壁圖書之府
十連周陝仍分西門鎖鑰之權倣播先庚歡聲旁午
恭惟某官朝家柱石江漢金湯楚璞韜竒秦氏十五
城之莫易郢歌調古巴人數千曲之難追頃繇禮樂

之皇華來作詩書之元帥撫摩饑饉轉而為豐年樂
歲之時宣布慈祥溫然如春風和氣之際遂使黎人
賴賢牧之德不翅赤子於慈母之心茲潁川方借寇
君而閩中復留蕭相牙籤玉軸丕昭雲漢之文旅矢
彤弓增重風寒之寄祗虞荆渚難泊商舟某久出恩
墻近詹帥鉞維阻陪於厦燕亦與喜於屋烏春滿桃
源自恨凡蹤之難再日長棠舍庶幾清蔭之終依

賀別留守除兵書兼淮西制置

穆卜剛辰肇開大閫曳文昌之星履不移龍盤虎踞
之都建太乙之雲旗兼護鶴唳風聲之旅全藩維之
脉絡新壁壘之精神麾幟晶明鼓角謹亮春是淮堧

之統部久懷江左之恩波蟻戍踐更勤我師徒之命
鴈民托處賴吾父母之歸上下千里聲勢相連南北
一天封畛何限是必猶身之使臂庶幾如齒之有唇
屬之鉅儒躋哉盛舉恭惟某官貫日精忠之照世格
天厚德之在躬裘帶臨戎文武作萬邦之憲鈞樞入
輔儀刑積四海之瞻由卧護於陪京寬顧憂於中宸
屹若喬嶽泰山之不動了無洪濤巨浪之或驚然烽
火隔江屢費舉鞭之間雖舳舻列岸未酬擊楫之心
茲正司馬九伐之權益重元戎十乘之寄瞻言大勢
蓋兼呂蒙滿寵之舊規尚論古人當以安石茂弘而
自許了碧油之整頓登黃閣以經綸某夙受殊知欣

聞新令備履履於征西府猶未忘執御之陳迓車馬
於上東門行且展望塵之拜

賀趙京尹升大資

陞華書殿視秩政塗經四方以尹王都久聯班於喉
舌間兩社而為公輔爰進位於股肱京邑增崇紳綏
胥拊竊以輦轂浩穰之政實為鈞衡晉用之階在天
聖時劉沆自茲而登相位逮寶元際祈公由此而踐
樞廷中興而來近比固有然未若著八年之顯績膺
九陛之深知寵渥咨來前聞劄見恭惟某官璇源毓
派若木翹英六鰲戴山身可任天下之重萬馬駐足
力能回世道之衝應變若珠之走盤剗劇如竹之迎

刃平生敷歷一片忠勤自表則於神臯佐更張之聖
化江濤如此磐石晏然發姦摘伏以如神厲善抱公
而弗擾况侍便殿從容之御久推中臺啓沃之猷邦
計裕而賴劉晏之筭鞭銓衡公而服山濤之藻鑑宜
加典冊式重封畿朝廷有范君京師有希文固輿情
之素屬走卒知司馬兒童知君實茲柄用之允諧自
是相鴻業之金甌紀駿勛於玉鉉躋時乃又垂聞無
窮某昔受祗厘嘗陪宰旅荷殊知之不薄聞異數以
惟欣夜雨江湖自分老魚鰈之侶春風厦屋不勝馳
燕雀之心

賀浙西憲兼嘉興兼提領田事趙寶謨

晉直禹謨出將漢指上臨軒載遣俾令有邦有土以
祥刑公弭節一行豈止厥賦厥田之底績班通三階
而暫輟令行數道以維新成命風傳先聲雷動恭惟
某官沛易楚詩之望晉桐衛梓之英一貫親傳師友
淵源之莫及兩科自奮文學法理之咸精鵬騫牛斗
之津驥騁雲霄之武丹書讞議釋之定國之並稱赤
縣馳聲卓茂魯恭之亟召遂即丞郎之步武贊持軍
國之紀綱周旋幾年儀刑二監都曹學為宰相方資
鼎味之調刺史國之外臺爰賴轡絲之攬以斯地去
尺五天之不遠併煩公兼丈二組以惠臨刑章佇見
於修明事力何憂於凋瘵司政典獄惟作牧暫上德

之來宣立相納誨以輔台非宗臣其疇屬其壯心零
落病骨支離橫槩馬頭竟成何事帶經牛背將老此
生當杜門省咎之時有受塵為氓之幸比獲誦榻前
之再疏固已窺管中之一斑公在朝廷在江湖諒文正
用心之無間我有田疇有子弟得鄭僑為政以何憂

賀廣西豐憲

星使乘輶指碧筭而行部日官差穀拂紅籀以建臺
敢肅鯉緘用伸燕賀恭惟某官人門具美天分素高
青真強箭之威稜紫霓神鋒之材刃舊家風烈此笏
乃今之甘棠闊步雲霄華萼相輝於唐棣高鶩雞省
游剖菟符暫馮觀嶺嶠之風正以遠長安之日蚤蚤

交錯類容蒲澤之姦狴狂多寃罕見草靡之鞠潔水
壺而載泣洗煙瘴之一清杜頌甫賡荷囊立召某猥
分藩服幸際使華當弛擔之方新正代庖之非據先
庚聳聽旁午騰歡相傳五嶺之宜人不妨叱馭自此
二天之獨我何幸交龜

賀鄭少卿知嘉興府

疇咨卿月易鎮扶風駕丈二組以惠臨新民視聽去
尺五天而不遠重帝股肱倣播先庚歡聲旁午恭惟
某官家康成之學世子產之才一貫親傳師友淵源
之莫及兩科自奮文學法理之咸精鵬騫牛斗之津
驥騁雲霄之武棘庭讞議釋之定國之不寃棠舍撫

摩渤海頴川之可紀頃自玉階之入覲亟由金掌以
升班方邇列之屬心乃外庸之馳志眷茲鶴李近拱
京畿邦計昔素號於從容民力近頗聞於凋瘵今得
老成之彥庶消愁嘆之聲屈沒黯於淮陽寧久私於
茲土著望之於馮翊行當造於本朝墨突未黔漢囊
即紫其壯心牢落病骨支離塞上分弓竟成何事田
間荷鍤將老此生當杜門省咎之時有受屢為氓之
幸薤本水孟之獻決無上補於吏師桑枝麥岐之歌
尚願相贖於儒館

可齋雜藁卷之五

嗣男

杓

編次

